





Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CMAI. 1.7.66






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.66



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.66



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL.1.7.66

1.7. 66

1B.7

VII

P. LABBE

Quinquag. Elogio

R. P.
PETRI L'ABBE

S O C. J E S V,
QVINQVAGINTA
VIRORVM ILLVSTRIVM
ELOGIA,

Haftenus nunquam edita.

*Hac si placent, breui sequentur plura:
si minus placent, erunt sola.*

Accedunt denuò in hac Editione sacra Elogia
Dei, & Deiparæ Virginis Mariæ, quorum
Exemplaria desiderabantur.



L V G D V N I,
Sumptibus CLAUDIJ BOURGEAT Bibliopolæ,
sub signo Mercurij Galli.

M. DC. LXXV.
CUM PERMISSV, ET APPROBATIONE.

R. R.
PETRI LARRE

100 1 231

ADNOVAVONTA

VERBVM IN EVANGELIO

ALOGIA

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO



IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO

IN EVANGELIO



REVERENDISSIMO PATRI,
PATRI IOANNI PEGON
MAIORIS CARTVSIE PRIORI,
ET TOTIVS ORDINIS CARTVSIENSIS
MERITISSIMO GENERALI.

Elogium Ordinis.



PROHIBERE potes laudes tuas,
GENERALIS MERITISSIME,
Prohibere non potes alienas;
Laudo venerabilem Ordinē Cartusiensiu
Brunonis adoptivus filius & Ignatij socius:
Utrumque nomen placet tibi, & tu illi.
Sed qualem te appellem, Ordo Sanctissime!
An stellarum cœlestium Ordinem?
Vidit Hugo Episcopus septem stellas ad montem ire:
Ipse quasi Pastor stellarum, ostendit illis locum & dedit;
Et nunc Cartusia stellarum Ordo appellari potest.
At quales adhuc vos dicam, Brunonis filij?
An terrestres Angelos, an cœlestes Viros?
Et homines estis, & Angeli;
Et ne sarcina corporis impediatur,

â z

Mutatis

Ordinis Cartusensis Elogium.

Mutatis quotidie carnem in spiritum ;
Et quæ mole sua gravis erat, virtute fit levis.
Non satis dixi : Vos pertæsi mundi, & Candidati cœli,
Vos inchoatis æternitatem intra tempus ,
Vos prægustatis alteram vitam dum vivitis istam,
Vos fallitis mortem jam mortui, & adhuc vivi,
Vos agitis quotidie quod estis semper acturi.

Apertius loqui placet.

Iejunium, silentium, psalterium sunt vita vestra ;
Vos delicias carnis quarto voto excluditis:
Inde illud odium corporis vestri;
Odistis carnes alienas, & odistis vestras ;
Scilicet vivitis optima parte vestri, non infima,
Corrigit infimam austeritas, & supremam facit, aut
mediam.

At quale illud silentium, & quàm altum
Nemo inter vos loquitur, nisi sibi;
Nemo audit alterum, sed se ipsum,
Nemo repetit aliena verba quæ nemo dicit:
Silentium cum hominibus est, & cum Deo colloquium:
Quale colloquium, echo est Dei homo, & Deus est
echo hominis.

Nec vobis tristibus esse licet qui semper psallitis;
Concentus hominum est, & concentus cœlorum:
Audiunt hunc concentum beatæ mentes, & vo-
biscum canunt;

Amara esse non potest hæc vita, quæ semper est
musica.

Gratulor vobis hanc vitam, Brunonis filij,
Vos olim felices futuri, penè jam estis.
Cartusia vestra penè supra orbem posita,
Aut cœlum est, aut cœli suburbium ;
Et vos cœli municipes estis, & penè jam cives.

Ordinis Cartusienſis Elogium.

Fefelli te, GENERALIS MERITISſIME;
Dixi laudes tuas dum illas non dixi;
Laudavi Parentem in Filiis, & Filios in Parente;
Vivitis omnes eandem vitam;
Præſides magno Ordini verbo & exemplo;
Id faciunt juvenes quod fieri vident à te ſene.
Octoginta anni & plures ſunt cùm vis hanc vitam;
Precor adhuc tibi longiores annos,
Et poſt omne tempus precor æternos.

Reverendiſſimæ Paternitatis tuæ


Humillimus Servus
PETRVS L'ABBE.
Societatis IESV.

INTEREA



INTEREA quinquaginta nobiles Advenæ invifere volunt Cartufiam tuam; præmitto elogium Magni Dionysij Cartufienfis, ut magnos Hospites introducat ad Te: Illuftres Viri funt eruditione & fanctitate; & Tu amas utrumque decus, & illi eas dotes amabunt in Te. Excipe illos ea humanitate quâ ſoles Hospites: Non ſatis dixi; Excipe illos ut hodie Hospites, olim futuros familiares.

DIONYSIJ



DIONYSIJ CARTVSIENSIS
ELOGIVM.


Circa
an. 1450.

DIONYSIJ Cartusienſis elogium dictavit
Eugenius Papa cū dixit :
Lætetur Eccleſia Mater talem ſibi filium eſſe ;
Nec potuit dicere aliquid majus , nec debuit minus ?
Non impar antiquis Eccleſiæ Doctõribus ,
Superaſſet multos ſi cum illis vixiſſet ;
Æquaſſet alios , paucis minor.
Ante Cartuſiam ſciendi avidus , ſtudebat ad fulgorẽ lunæ ,
Et abſente die luna ei pro ſole erat.
Nec imminuit eum ardorem ſciendi ſolitudo , &
auxit :
Novem horas quotidie Choro , novem ſtudiis , cæ-
teras tribuebat ſibi.
Mirantibus ſociis reſpondebatur caput ſibi ferreum
eſſe , & ſtomachum æneum.
Nemo plures libros legit , nemo plures ſcivit ;
Nullum Authorem bis legit , quamvis difficilem ,
Singulos una lectione devoravit.
Plura tamen de ſuo ſcivit quàm de alieno ;
Multa apud Magiſtrum ſententiarum invēnit , plura
addidit ;
Creditus eſt multa ſcripſiſſe , diſtante Deo ?
Et ſæpe raptus ad Deū , audiuit arcana , quæ ſcripſit.
Plenus acquiſitã doctrinã , & infusã ,
Implevit Cartuſiam alienis libris & ſuis :
Inde illi Doctores Guigo , Baſilius , Bernardus , Stephanus ,
Inde alij tanto numero , ut numerari non poſſint , niſi ut
ſtellæ ,
Simul omnes , non ſingulæ.
Latere ſemper non debuit vir publico natus ,
Eductum

Dionysij Cartusienſis Elogium.

Eductum è clauſtro Nicolaus de Cuſa
Adhibuit ſocium legationis, & Magiſtrum Legati.
Redditus clauſtro, totâ Cartuſiâ tegi non potuit,
Conſulebatur indique, & quamvis impeditâ linguâ,
Reſpondebat oraculis magis quàm verbis.
Evocatus tandem ad Deum plenus Deo,
Salutatis fratribus, & ſalutantibus,
Quò ire conſueverat, eò ire ſe dixit.

QVINQVAGINTA



I
QVINQVAGINTA
ILLVSTRIVM VIRORVM
ELOGIA.

SANCTI DIONYSIJ AREOPAGITÆ
ELOGIVM PRIMVM.



I G Cœlestem Hierarchiam descripsit , quasi
vidisset ;

Forst
ar. C.
71.

Divina idiomata , quasi numerasset ;
Mysticam Theologiam , quasi ab Angelis didicisset ;
Solis & siderum cursum , quasi cum astris cucurrisset.

In eclipsi illa solemni Solis & Christi,
Aut pati naturam dixit , aut Deum naturæ :

(1) Nondum Fidelis credidit Deo sine fide ,
Et Solem vidit dum careret luce.

Apostoli Pauli Discipulus ea à Paulo didicit
Quæ Paulus in cœlo didicerat , & illa dixit ;
Athenarum Episcopus Athenis doctior,
Et Areopago justior fuit.

Missus in Galliam invenit Athenas Parisiis , & in-
duxit ;

Instituit eâ in vrbe Hierarchiam qualem descrip-
serat.

In vidêre hominem Galliæ critici aliqui ;

Ipse & Gallus esse voluit , & Galliarum patronus.

Quàm charus Regibus fuerit , ex eo collige.

A

Favet

Favet Regibus vivis , & favet mortuis ;
 Hodieque sepulchra Regum stant apud Dionysium ;
 Et sacer thesaurus ibi servatur ubi est Dionysius.

Denique imminutus capite, gestavit illud manibus,
 Ambulavit mortuus , & vixit post vitam
 Superstes sibi & suæ Galliæ :
 Et nunc quoque viveret nisi mori maluisset.

SANCTI POLYCARPI

ELOGIVM.

Floruit
 anno
 Dom.
 70.

Hic epistolam vnam scripsit ad Philippenses ;
 Creditus est distasse illam Spiritus , & Polycarpus
 scripsisse.

Legebatur in Ecclesiis Evangelij instar,
 Et penè Evangelista erat qui scripserat.

Interrogatus à Marcione Hæresiarcha , an eum
 agnolceret?

Agnosco te , inquit , dæmonis primogenitum , aut
 secundum.

Damnatus ad mortem ivit obviam liçtoribus.

Iussus maledicere Christo ne periret ,

Cur , inquit , ei maledicam, qui semper mihi dixit benè ;

Ergo damnatus ad flammam cremari non potuit,

Reveritus Hominem ignis ambivit , morientem
 non læsit ,

Et flammæ arcem triumphalem,

Et victori apothecosim struxêre.

Denique percussus gladio mortem admisit,

Sed qualem voluit.

SANCTI IGNATIJ MARTYRIS

ELOGIVM.

Hujus hominis vita ignis , & lingua flamma fuit.
 Ex una ejus epistola Hieronymus hæc verba
 transcripsit

Omnibus elogiis meliora.

Vti

Elogia.

3

Vtinam fruar bestiis quæ me expectant ad necem;
Quodd si venire noluerint, ego urgebo ut veniant:
Ego vim faciam, ut mactet, & deuorer:
Ignis, crux, belluæ, leones, dæmones,
Provoco vos tormenta omnia, nulla timeo.
Ignoscite filij, scio quid expediat,
Fru mentum Christi sum, dentibus bestiarum molar.
Qualis hæc lingua, cuius verba sunt ignes,
Et sententiæ totidem flammæ.
Inflammabant hæc verba Antiochiæ cives,
Et Romæ coronabant Martyres.

IUSTINI MARTYRIS

ELOGIVM.

Scripsit dialogum cum Triphone Iudæo,
Et persuaserat homini erudito Christum esse hominē
Deum;
Sed non persuasit superbo.
Scripta ad Gentiles parænesis erudita,
Convertere urbem poterat, si sola ratio fidem per-
suaderet.
Obtulit illustrem apologiam Antonino Pio,
Et fecerat Christianum, nisi Deus esse voluisset.
Nobilis omnino Scriptor Iustinus
Probavit ratione quæ scripsit,
Et sanguine obsignavit.

Circa
an.
150.

ATHENAGORÆ

ELOGIVM.

Legatus ab Ecclesiis Orientis ad Marcum Antoninum
& L. Commodum
Disertissimâ apologiâ probavit Religionē servire Impe-
rio, non nocere.
Queritur deinde vexari Christianos non edicto Impera-
torum,

Circa
an.
155.

A 2

4 *Virorum Illustrum*
 torum, sed silentio:
 Rogat denique ut clementes edictis suis,
 Ne silentio sint crueles:
 Placuit Imperatoribus Oratoris eloquentia;
 Libertas displicuit:

M E L I T O N I S

E L O G I V M.

Circa
 an.
 156.

HIC Sardenſis Episcopuſ
 Obtulit pro Chriſtianis Apologeticum;
 Ex quo Eusebiuſ exſcripſit hæc pauca.
 Vexamur, Imperator, ſi te iubente, pati volumuſ;
 Si neſciente, excuſamuſ quod patimur.
 Vnum rogamuſ, ut examines culpam:
 Si aliqua eſt, rogamuſ pœnam;
 Si nulla culpa eſt, nulla ſit pœna.
 Precamur denique ut pio Imperatori
 Pietas Chriſtiana non diſpliceat:
 Diſplicuiſſet Oratoris audacia,
 Niſi fuiſſet mellea:

S. I R E N Æ I

E L O G I V M.

Circa
 an.
 180.

Polycarpi Diſcipuluſ, id fuit Gallia, quod ille Aſia;
 Repræſentavit Eccleſiæ doctrinam primi ſæculi,
 Et ſecundam ætatem Eccleſiæ fecit primam.
 Hæreticorum malleuſ & verbis & libris,
 Extinxit hæreſes jam tum ortas;
 Et penè oppreſſit orituras:
 Ignoravit diu Gallia hæreſeum monſtra;
 Quod ignoraverit Irenæuſ fecit.
 Legatuſ Romam à Martyribuſ Martyr futuruſ;
 Redux Lugdunum cum ovibuſ mori voluit,
 Bonuſ Paſtor ouiliſ Lugdunenſiſ

Totani

Elogia.

Totam penè Urbem Martyrem fecit.
Hodièque pars Urbis, & penè Vrbs tota
Et Christiana est & Irenæa.

CLEMENTIS ALEXANDRINI

ELOGIVM.

Hic patriâ Atheniensis, Alexandrinus studio fuit. Circa
an. 194.
Successit Pantæno Magistro, & Magistrum æqua-
vit, & vicit.

Origenis Magister Discipulum correxerat, & do-
ceri voluisset.

Magni ingenij monumenta sunt Clementis Stromata,
Nascentis Ecclesiæ aulæa appellari possunt;
Nihil ornatiùs dici potest ad pompam, nihil solidius ad
doctrinam.

Exhortatio ad gentes convertere orbem poterat,
Si audire voluisset.

Docet tres intra Deum personas esse, non tres na-
turas:

Docet Divinitatem Deum esse, non Deam:

Docet Deum unicum esse, nec tamen solum,

Nec Trinitatem nocere solitudini,

Nec solitudinem Trinitati.

ORIGENIS

ELOGIVM.

Hic ab ipsa sui origine magnus fuit,
Patrem habuit Martyrè, & penè ipse Martyr fuit;
Sæpè ipse vinculis se obtulit, ut Pater liber esset.

Recusanti libertatem persuasit fortiter mori,

Et dum socius esse mortis non potuit, hortator fuit.

Audi qualis erga filium pater fuerit:

Osculabatur pectus filij, quasi sapientiæ templum,

Et Filium aiebat plus habere Dei quàm Patris;

A 3 Nec

Virorum Illustrum

Nec filij tantum Pater , sed Magister fuit:
 Discebat tamen à filio quæ docebat;
 Uterque Magister , uterque Discipulus , uterque
 doctus.

Orbatus Patre , Patre tamen non caruit.
 Ambiebant multi Origenem Filium , vel alumnum;
 Gentilis opulentus supplevit Patrem ,
 Et didicit ab Origene credenda , non credidit.

Annos septemdecim natus
 Aperuit Scholam Alexandriæ , & orbem discipu-
 lum habuit.
 Profectebatur omnes scientias , & Christianis
 emendabat profanas;
 Musæ apud illum pudiciæ , & Apollo Christianus
 erat.

Ex quatuor versionibus Scripturæ tetrapla,
 Ex octo octupla composuit.

Nullus Author ignotus Origeni ,
 Nulli Origenes ignotus fuit :
 Sex millia librorum composuit ,
 Nemo tot legit.

Dictabat decem scriptoribus res diversas,
 Nec confundebant se materiæ , ille distinguebat.

Nemo hoc homine doctior fuit,
 Nemo melius dixit cum ille benè :
 Nemo pejus erravit , cum ille malè.

Denique data optione amittendæ fidei aut pudoris;
 Imprudens ejuravit fidem , ne amitteret pudorem.
 Servare utrumque bonum potuit , utrumque ami-
 sit.

MINVTIJ FELICIS

ELOGIVM.

Circa

AN. 206.

EX celebri Oratore causarum, Orator Christianus ;
 Consecravit eloquentiam , non mutavit :

Laudavit

Elogia.

7.

Laudavit Christianum militem homini Ethnico,
Et persuasit quod laudavit.

Ex multis hæc pauca accipe.
Quàm illustre spectaculum, & Deo dignum,
Christianus miles cum morte congregiens.
Quàm gloriosum provocare mortem, non timere,
Ridere supplicia, non vitare,
Retinere libertatem inter vincula,
Terrere lictores, non terreri;
Insultare Iudici, & vincere Tyrannos, non vinci.
Facit hoc Christianus miles, non facit Ethnicus.
Vicit hæc eloquentia Cæcilianum disputantem,
Et Magister Cypriani, Discipulus fuit Minuttij.

T E R T V L L I A N I

E L O G I V M.

HVnc cum Cyprianus à Lectore petere;
Da Magistrum, aiebat, & erat Magister.

Circa
an 230.

Hic duarum ætatum vir:
Sub finem secundi sæculi sapuit,
Sub initia tertij, desipuit.

Audi sapientiam hominis, & doctrinam.

Hic omnes Philosophorum sectas scivit;

Hic omnes instituere potuit;

Hic omnes destruxit cum voluit;

Hic omnes historias legit;

Hic omnes scribere potuit.

Audi quàm acri ingenio fuerit.

Nihil impugnandum suscepit quod non penetrarit
acumine;

Nihil penetravit quod non eliserit verborum
pondere.

Energiam orationis quis explicet?

Audax dictiones novas excudit, cum satis fortes non re-
perit:

A 4

Quo

Quot verba hominis , tot fulmina,

Quot sententiæ , tot victoriæ.

Consensum auditoris non tam petit , quàm rapit.

Sciunt hoc Apelles , Praxeæ , Marciones ;

Sciunt hoc Hermogenes , Iudæi , Gnostici,

Eorum blasphemias librorum voluminibus , quasi
fulguribus

Redegit in flammæ & favillas;

Neq; aliud ex illis superest nisi carbones & cineres:

Et tamen hic gravis Tertullianus

Duas Montani meretrices Prophetissas esse ,

Et Spiritum sanctum earum sponsum asseruit.

Quale hoc delirium hominis !

Ante hunc casum Tertullianus ter magnus,

Post hunc lapsum ter fatuus fuit.

SANCTI CYPRIANI

ELOGIVM.

Circa
an. 250.

Hujus Authoris opera clariora sunt radiis solis , ait
Hieronymus.

Qualis claritas quæ vincit radios solis?

Victores facit Martyres , dum hortatur ad pugnam;

Inspirat animos & coronat, dum laudat :

Pugnavit ipse Martyr , & vicit ,

Et quod eloquenter suasit hoc præstitit.

Erravit tamen aliquando vir magnus :

Baptizatos ab Hæreticis baptizari iterum voluit;

Nec tamen Hæreticus fuit dum erravit.

Definita adhuc non erat Baptismi unitas:

Statim ut Roma definiit Cyprianus tacuit.

ARNOBII

A R N O B I J

ELOGIVM.

Hic afer ingenio & stylo
 Calumnias gentium adversus fidem non tam refutat
 quàm maculat.

Circa
 an. 285.

Audi ex ipso Arnobio stylum Arnobij.

Ante fidem, inquit, venerabar simulacra ex for-
 nacibus eruta;

Adorabam deos malleo fabricatos:

Si quando conspexeram lubricatum lapidem,

Si olei vngvine delibutum & perunctum,

Iunonem, aut Palladem reverebar, aut Iovem;

Alloquebar truncum nihil sentientem;

Offerebam preces surdis auribus,

Timebam quos amare non poteram.

Denique qualis eram cum hæc monstra colerem,
 Monstrum eram.

L A C T A N T I J

ELOGIVM.

Hic Arnobij Discipulus, eruditionem ab Arnobio,
 Eloquentiam à Tullio didicit:

Circa
 an. 290.

Objiciebatur Authoribus Christianis verborum
 asperitas,

Et barbaries morum.

Providit Deus superiori sæculo Clementes, Origenes;

Hoc sæculo Nazianzenos, Lactantios,

Sequentibus, Ambrosios, Augustinos, Hieronymos.

Scripsit Lactantius Institutionum divinarum li-
 bros septem.

De ira Dei, & opificio mundi;

Ubique lacteus, & ubique Lactantius.

A 5

DIONY

DIONYSIJ ALEXANDRINI

ELOGIVM.

Circa
an. 260. **H**ic Origenis Magister fuit dum sapuit,
Adversarius dum desipuit.
Erravit tamen aliquando vir doctus,
Baptismum ab Hæreticis collatum iterandū censuit;
Mutavit sententiam dum audiuit Romam.
Alexandrinam Cathedram post Origenem tenuit,
Non minor Origene doctrina, major fuit sapientia.

METHODIJ

ELOGIVM.

Circa
an. 285. **H**ic Vixit Authoris vita & scripta
Adeo methodica fuere, ut inde Methodius appella-
ri possit.
Opposuit illum Deus Porphyrio & Origeni;
Refutavit in utroque quod emendare non potuit.
Difficile meliores fiunt qui corrigi nolunt.
Emendavit errores, dum errantes non potuit.
Perierunt magni Authoris monumenta penè omnia:
Quàm pretiosa essent
Probant quæ supersunt fragmenta.

MATERNI FIRMICI

ELOGIVM.

Circa
an. 340. **H**ic ad filios Constantini epistolam scripsit
Ex qua hæc accipe,
Eliminanda est, Imperatores, ex orbe idololatria;
Et ne renascatur hydra, amputanda sunt capita.
G. io

Elogia.

II

Gloriosissimus Pater vester inchoavit;
Vos absolvite quod superest:
Vobis Deus quod optastis concessit,
Vos Deo quod optat reddite.
Debetur hic honor filiis Constantini;
Post homines victos, pro Deo vincite!

E P I P H A N I I

ELOGIVM.

Scripsit de hæresibus ad sua tempora;
Refutat præteritas, & expugnat futuras;
Scripsit de ponderibus & mensuris;
Scripsit vitas Prophetarum, & ponderat omnia;
Scripsit Anchoratum, seu librum de fide;
Et ne fides fluctuaret, anchora retinuit.

Circa
an. 370

S A N C T I E P H R E M

ELOGIVM.

Hic multa scripsit, atque aliqua adeo pia;
Ut post Scripturam sacram in Ecclesia legerentur;
Et censabantur penè esse Scriptura.
Monet tamen Hieronymus aliqua pia esse magis
quàm docta;
Scilicet indocta pietas esse potest,
At doctrina debet esse erudita.

Circa
an. 365,

D I D Y M I C A C I

ELOGIVM.

Hic à prima ætate cæcus
Omnes scientias didicit, omnes docuit;
Nullos legit libros, omnes scivit:

Circa
an. 365,

Compen

12

Virorum Illustrum

Compensante natura defectum oculorum,
Et supplente defectum sensuum.

Erravit tamen Cæcus dum Origenem defendit,
Emendaturus si legisset.

Credulæ sunt aures, minus fallaces sunt oculi;
Error fuit aurium quod credidit,
Non fuisset error si vidisset.

CYRILLI HIEROSOLYMITANI

ELOGIVM.

an. 365.

Hic Catecheses scripsit tam cruditas,
Ut totum orbem erudire possent.

Describit Crucem medio in aëre publicè visam;
Ex ea probat contra Arrianos
Christum esse Deum, qui supra naturam est,
Nec posse esse minorem Patre, si Deus est.

OPTATI MILEVITANI

ELOGIVM.

an. 365.

Hic septem libris contra Donatistas
Probat eam solam Ecclesiam esse veram, quæ non est
nova;

Eam non esse novam quæ communicat cum Romana.
Enumeratis deinde annis à Petro ad Siricium,
Vos verò, inquit, antiquitatem vestram ostendite;
Qualis hæc fides, quæ sibi cœva est;
Non longè distat ab infantia, quæ meminit
Cunas suas & vidit.

THEODO

THEODORETI

ELOGIVM.

Theodoretus magnum in Ecclesia, & diu problema an. 410.
fuit;

Dionysij Alexandrini non tã adversarius quàm æmulus,
Inimicus dum non agnovit, postquã agnovit amicus fuit.

Ephesinæ Synodi pars aliqua.

Amicus Nestorij dum Deiparæ hostis non fuit,

Dum agnovit hostem, amicus esse desiit.

Damnatus in Synodo unâ, absolutus in alterâ:

Ex tribus famosis Capitulis, unum fuit.

Ejus imago delata est cum triumpho à Nestorianis:

Dixit anathema Nestorio, & triumphum tunc me-
ruit:

Laudavit ejus labores pro fide Leo Magnus.

Quoddam Martyr non fuerit Nestorius; in causâ fuit.

BASILIJ MAGNI

ELOGIVM.

Basilio doctrina nomen Magni, an. 370.

Virtus nomen Sancti promeruit.

In ejus vita nihil est quod accusari possit;

In doctrina nihil quod possit argui:

Qualis cruditio hominis fuerit, ex eo collige;

Athenis cum studeret, jejunas appellavit,

In quibus nihil invenit quod disceret.

Plura cum Nazianzeno didicit, Magistris arboribus;

Uterque amans solitudinis, Athenas facit ex sylvis.

Nemo sacram Scripturam intellexit veriùs,

Nemo explicavit uberiùs.

Episcopus Casareæ nihil docuit quod exemplo non pro-
barit.

Ubi

Ubi hæc non fuerunt satis , miracula addidit;
 Iis Valentem Imperatorem terruit;
 Et convertisset ad fidem, nisi fœmina pervertisset.
 Clariora sunt ejus opera radiis solis;
 Tanti ea fecit Ambrosius , ut aliqua ex iis tran-
 sciperit,
 Plura mutuati sunt Authores Religionum.
 Omnis ferè Religiosa doctrina
 Magni Basilij est disciplina.

GREGORIJ NAZIANZENI

ELOGIVM.

an. 370. **H**ic ab excellentia doctrinæ Theologus appellatus,
 Politiore literas Athenis,
 Sacras in sylvis cum Basilio didicit , Magistro silentio,
 Zosimorum Ecclesiam , deinde Nazianzenam,
 Postremò Constantinopolitanam rexit,
 Triepiscopus per calumniam ab aliquibus dictus
 Oppressit calumniã dum tres Episcopatus deservit.
 Scripsit multa prosa & metro:
 Nemo illi orationis majestac,
 Nemo vitæ probitate prælatus est.
 Quod paucis contigisse legimus.
 Bonus Orator , nec malus Poëta fuit.

GREGORIJ NYSSENI

ELOGIVM.

an. 340. **H**ic erat Episcopus conjugatus:
 Theosebem uxorem Virginem invenit , & reliquit;
 Ex marito Episcopus , uxor Episcopa fuit.
 Quàm eleganter eruditus fuerit, ex eo collige,
 Nazianzenus Episcopo flores objecit,
 At hoc elogium est , non opprobrium;
 Et Nazianzeno idem objicere potuit.

Ejectus

Elogia.

15

Ejectus à Sede suâ , lustrandis alienis Sedibus adhibitus
fuit;

Et nullius ovilis pastor omnium inspector fuit.

Scripsit vitam Mosis, & penè alter Moses moribus fuit.

A M P H I L O C H I J

E L O G I V M.

Qualis hic fuerit , ex Hieronymo disce. an. 380.

Hic, inquit, Basilio, & Nazianzeno non impar fuit:

Tales sunt ejus libri, ut nescias quid sit optimum;

Adeo omnia optima sunt.

Eruditio sæculi magna.

Scripturæ maxima fuit.

Extat sub ejus nomine Basilij vita;

At hic liber quibusdam dubius est: illud certum,

Amphilochij vita, Basilij historia est.

R V F I N I

E L O G I V M.

Hic magnus vir erat , nisi Hieronymo major esse vo-
lisset;

Amicissimus primùm , deinde inimicissimus fuit.

Imperavit amicum duabus satyris;

Pluribus ipse impetrus fuit.

Causa querelarum Melania fuit:

Illustres fœmina , nisi docta supra sexum esse vo-
lisset.

Eam Rufinus ut doctam efficeret,

Docuit errores Origenis;

Dedocere Hieronymus voluit, & Rufino displicuit.

Deplorat Baronius casum Rufini;

Et debere illi aliquid fatetur Historiam Ecclesiasticam,

Sed non Ecclesiam.

Scripsit

Scriptit apologiam pro defensione Origenis ;
Sed illa Rufinum accusat, nec absolvit Origeum.

A T H A N A S I J

E L O G I V M.

an. 340. **H**ic adhuc infans Episcopum egit ;
Sacramenta quædam aut ritè administravit , aut piè.
Sacerdos magni Concilij, Nicæni pars magna fuit:
Tam infensus Ario, quàm Arius Christo.
Christum Deum esse probavit, nec tantùm similem
Deo.
Pugnavit pro una syllaba, sed divina ;
Et vitam maluit perdere, quàm unam syllabam.
Nemo sapius exul , nemo sapius redux ;
Nemo sapius reus , & semper innocens fuit.
Ejectum ab Oriente excepit Occidens:
Episcopus unius Sedis ubique Pastor agnitus est.
Sæpè illi cysterne domus fuit in qua viveret ;
Et sæpè sepulchrum in quo lateret.
Scripsit multa eruditè,
Plura gessit fortiter ;
Hodièque symbolum Athanasij
Est symbolum orbis.

C Y R I L L I A L E X A N D R I N I

E L O G I V M.

an. 410. **V**ir planè magnus , & intra sæculum suum nulli se-
cundus,
Hæreticorum hostis acerrimus,
Nestorij, Eutichetis & Dioscori malleus fuit.
Coegit sæpè Ecclesiasticas orthodoxas Synodos ;
Et solus ipse sæpè Synodi instar fuit.
Designavit illi sæpe Roma vices suas,

Et

Elogia.

17

Et semper ipse Orienti repræsentavit Occidentem,
Præfuit magnæ Synodo Ephesinæ,
Et Maternitatis divinæ magnus assertor fuit,
Pulsus in exilium ab hostibus invidis,
Ab ipsis revocatus est vel invitis.
Defendit Sedem Apostolicam ab ea defensus;
Denique post tot pugnas & victorias
Martyr fidei & Mariæ matris,
Et Maria mater Cyrilli fuit,

A M B R O S I J

E L O G I V M.

INfantis ori & linguæ mel infuderunt apes,
Inde Homini sermo melleus, & vita mellea fuit,
Quæsitus ad infulas, morbum finxit, ut illas fugeret
Fictionem declaravit infans, & Episcopum dixit;
Episcopus talē se præbuit, qualē voluit qui elegit,
Imperatorem ad pedes prostratum corripuit ut Iudex,
Famenti crimen pepercit ut Pater,
Imperatricem terrere volentem ab incepto deterruit;
Augustinum Auditorem ad fidem convertit;
Qualis Doctor, qui talem Discipulum habuit!

374.

SANCTI HIERONYMI

E L O G I V M.

Hic orbem totum lustravit, ut totum sciret;
Totum scivit, ut totum doceret:
Dum orbem lustrat, doctissimo cuique Discipulum se
dedit;
Didicit Magistros, & brevi doctior fuit:
Omnes linguas sciivit, ut omnibus linguis responde-
ret:
Omnes libros legit, ut omnium Cenfor esset.
Adhibitus à Damaso Papa Pontificiis epistolis,

B

Toti

Toti orbi respondit ore alieno;

Et poterat respondere suo.

Pertæsus vitam publicam, quæ sivit occultam:

Latuit apud Bethleem ubi Christus latuerat.

Ibant ad illum difficiles toto ex orbe quæstiones,

Ille publicam omnibus oraculum erat.

Denique ibi vitam clausit ubi suam Christus ordiri voluit.

Non benè aliqui enumerant ejus scripta :

Legit omnium opera, & fecit sua;

Addidit ipse libros proprios ,

Quos nemo etiam doctus ausus est appellare suos.

SANCTI AVGVSTINI

ELOGIVM.

an.
410.

Ingenium Augustini nemo totum novit;
Ingenij sui limites Augustinus ipse nescivit.

Monstrum ingenij fuit aliis, & monstrum sibi:

Exhaust se Africa dum tale portentum tulit.

Adolescens non tam discere quàm meminisse videbatur.

Dixisses non acquirere scientias, sed innatas habuisse.

Didicit Aristotelem sine Magistro;

Vix eum Aristoteles sine Doctore didicisset.

Exhaustis omnibus scientiis, adhuc sciendi avidus

Didicit errores Manichæorum, ut haberet quod disceret.

Laudavit eos errores dum nescivit,

Refutavit cùm didicit;

Et nondum fidei Discipulus, jam pugnavit pro fide.

Superatâ naturâ diù luctatus est cum gratia:

Expertus est se ab ea non cogi, dum diù restitit.

Nec violentus consensus fuit, quem negavit cùm voluit.

Agnovit

Agnovit tamen sufficientem fuisse gratiam, quæ vinci
potuit.

Non accusaret moras suas, nisi properare potuisset;

Nec properare poterat, nisi adjuvaret gratia suffi-
ciens,

Et nondum vincens.

Vicit tandem gratia efficax vinci volentem:

Sic delectavit, ut suaderet; sic suasit, ut non co-
geret.

Recusare illam poterat, etiam dum admisit;

Admisit eam voluntas libera, sed non sola;

Prævenit gratia nolentem, & adjuvit volentem,

Incœpit Deus sine Augustino, ut vellet Augustinus
cum Deo;

Nec meruit Augustinus gratiam, quæ fecit meren-
tem:

Data est gratia immerenti benè de gratia merituro.

Nemo acrius gratiæ restitit,

Nemo fortiùs pro gratia stetit,

Mirata Discipulum gratia, mutavit in Magistrum;

Docuitque artem vincendi dum Augustinum vicit.

Post eam victoriam nemo Hæreticus Augustino
par fuit;

Pelagius, Julianus, Donatus Augustinum timuere;

Pelagium Augustinus, & alia monstra non ti-
muit.

Nec tantùm errores præteritos refutavit, sed futuros.

Damnavit Jansenium nondum à Roma damnatum;

Et puto, dum Antipodes negavit, Jansenium intell-
xit.

Debet Augustinus gratiæ, quæ de gratia didicit;

Debet Augustino gratia, quæ de gratia docuit;

Debet aliquid Augustino Roma,

Plus Romæ debet Augustinus.

Non esset Doctor gratiæ, nisi esset Discipulus Romæ.

GREGORIJ MAGNI

ELOGIVM.

Gregorius Magnus nomine, major virtute fuit.
Humilitas Magnum, majorem charitas, sapientia
maximum fecit.

Ut honores fugeret, in spelunca delituit;
Detexit latentem columna ignea, spelunca prodi-
dit.

Invitus ad Sedem Petri evectus, Pastor esse coactus
est;

Talem esse oportuit, ut Christi Vicarius esset:

Nemo sapientiùs ovile rexit;
Nulla ovis ignota Gregorio,
Nulli Gregorius ignotus fuit;
Quo zelo arceret lupos ab ovili,
Sciunt Donatistæ in Africa,
Sciunt Agnoitæ in Syria,
Sciunt Arriani in Hispania,
Sciunt Infideles in Britannia.
Missis in Angliam viris Apostolicis,
Ex Anglis Angelos fecerat, nisi fœmina fœfel-
Peregrinos ad mensam sæpè adhibuit;
lisset.

In his aliquando Angelum, & Christum.

Sapientiam Gregorij probant quæ scripsit,
Sanctitatem, vitam quam vixit.
Nemo de moribus meliùs scripsit,
Nemo melioribus moribus fuit.

Insidentem capiti columbam vidit qui dixit.
Dictavit Spiritus sanctus quæ Gregorius scripsit;
Inspiravit vitam quam vixit.

SANCTI

SANCTI DOMINICI

ELOGIVM.

STa Lector ad stellam, & rosam, & columnam :
Dominicus ante ortum stella, postquam adolevit Sol
fuit.

Gravida mater intra vterum stellam sensit;
Dum stellam gerit, nonne hic uterus cœlum fuit.

Illustravit hæc stella orbem terrarum,
Et Dominicus tot stellis Ordinem implevit,
Ut stellarum Ordo appellari possit.

Et Rosa Ecclesiæ Dominicus fuit;
Ante Dominicum spinarum hortus erat, non florū.
Inseruit rosas Dominicus, & Rosariis orbem implevit.

Placere rosæ Deiparæ Virgini;
Et per Rosaria Dominicus ad cœlum ivit,
Et columna Ecclesiæ Dominicus fuit.

Ne dubites, Innocentius rem definivit, dum vidit.
Vidit nutantem Ecclesiam, & Dominicum succollantem;
Grande decus, Athlantem esse Ecclesiæ non fabulosum,
sed verum.

Fundamentum Ecclesiæ Petrus est, & Columna
Dominicus.

Plus aliquid diceret columna quàm petra,
Nisi petra esset Petrus.

Nihil deerat magno Ordini, nisi Ecclesiæ claves:
Gerunt illas Inquisitores fidei & doctrinæ.

Dixi qualis esset Dominicus;
Minor est Domino, sed est Dominicus.

ALBERTI MAGNI

ELOGIVM.

Albertus Deiparæ Philosophus,
 1165 Thomas Verbi Theologus fuit:
 Benè hic de Filio, benè ille de Matre scripsit.
 Uter plura sciverit ambiguum est;
 Uterquæ omnia scivit.
 In Alberto aliquid eminet, unde illi cognomen Magni;
 Rudis ætate prima & ultima;
 Parum debuit naturæ, multum gratiæ.
 Momento eruditus, momento indoctus.
 Didicit omnia simul, omnia simul dedidicit:
 Abstulit scientias Virgo, quæ illas dederat,
 Ut sciret Albertus alienum esse quod Dño redditur.
 Benè vsus scientiis quas acceperat commodatas;
 Implevit orbem octingentis libris;
 Satis unus multis Bibliothecis,
 Sibi ipse non satis fuit.
 Non facile est dicere quid Albertus nesciverit:
 Nulla opinio, etiam falsa, fefellit Albertum.
 Modum posuit artibus curiosis ne ultra pergerent;
 Ostēdit ubi desineret natura, unde inciperet gratia;
 Periiit à Virgine, ne falli posset:
 Addidit illa, ne falleret.
 Nemo erravit sub Alberto Magistro, & Thoma Discipulo;
 Uterque eruditum orbem, uterque correxit.
 Emendarunt errores antiquos & futuros;
 Victi sunt ab utroque, iterum olim vincendi.
 Media ætas Alberti erudita, tota humilis fuit.
 Magister sacri Palatii Romam deseruit, ne Magister
 esset.
 Ratisbonenses Infulas sponte exiit, quas in vitus
 induerat:
 Inter suos Provinciam vix regere voluit.
 Qui Ordini regendo par erat.
 Denique dum ex Cathedra dicat non tam verba quàm
 oracula,

Obitu

Obmutuit extemplò oraculum orbis,
 Et cuius memoria sapientiæ promptuarium erat,
 Id unum tunc meminit, se nihil amplius meminisse.
 Unum est quod oblivisci nunquam potuit, nomen
 MARIÆ;
 Scivit illud antequam aliquid sciret;
 Scivit postquam omnia dedidit:
 Hæc prima vox erupit infanti, ultima seni.
 Obiit an. ætatis 87. clarus miraculis;
 Ipse eruditus & ignarus miraculum fuit:
 Nec minore prodigio amisit scientias, quã accepit.

S. THOMÆ DOCTORIS ANGELICI

ELOGIVM.

Thomas Angelus erat antequam esset Doctor Ange-
 licus, an.
1266.

Angelorum condiscipulus, & penè Angelus fuit.
 Multa ab Angelis didicit, multa Angelos docere potuit.
 Aut Theologiam è cœlo deduxit ad terras,
 Aut scivit in via quod videtur in patria.
 Audivit Apostolus arcana verba, sed illa tacuit:
 Quæ Paulo dicere non licuit, hæc Thomas dixit.
 Mysteriorum compendium est Summa Thomæ:
 Collegit in ea quidquid dici potest, aut sciri.
 Inclusit Ambrosios, Hieronymos, Augustinos;
 Inclusit seipsum major seipso, & minor.
 Epitomen fecit alienæ sapientiæ, & Summam suæ.
 Didicit omnes, qui Thomam intelligit;
 Nec totum Thomam intelligit, qui omnes didicit.
 Ubi alij dubitant, Thomas non ambigit;
 Ubi omnes desinunt, inde Thomas incipit.
 Inde progressus eò ascendit quò nemo præverat;
 Sequitur præviam fidem, & illam ducit;
 Sociam facit fidei Theologiam, & Magistram:
 Ostendit quod ista credit;
 Neque aliquid superest post Summam Thomæ, nisi
 lumen gloriæ.

De Deo sic loquitur quasi vidisset ;
 De Angelis sic disputat, quasi socius esset.
 Ingenerat horrorem peccati, dum describit,
 Amabiles reddit virtutes, dum ostendit;
 Incarnatum Verbum sic explicat, quasi vox Verbi.
 Siste aliquando Thoma,
 Pervénit ad Summum Summa tua ;
 Ire ultra non potes, nisi aliquid quæras post omnia,
 Benè scripsisti de me Thoma.
 Probat scripturam Hominis qui caracter est Verbi.
 Silete linguæ, dum Deus laudator est;
 Fallere non potest qui laudatur, dum qui laudat non
 fallitur.
 Appellent aliqui Thomam Angelum Theologiæ;
 Dicant Pontifices Summam tot constare oraculis quot
 articulis,
 Plus dicit una vox, benè.
 Christus est Verbū Patris, Thomas adverbium Filij ;
 Quam ergo mercedem accipies?
 Quam benè scripserit, collige ex testimonio ;
 Quam benè vixerit, collige ex præmio :
 Ut scias meritum virtutis ; datur optio præmij.
 Quid eligat nisi Deum, qui novit pretium Dei.
 Non alium, respondet Thomas, nisi teipsum ;
 Nec potuit eligere majus, nec debuit minus:
 Malè scripserat, si aliter elegisset.

S. P I J V.

E L O G I V M.

an.
 1560.

Fecerunt hunc Pontificem pium omnes virtutes;
 Fecit ille omnes virtutes pias.
 Pius erat antequam esset PIUS :
 Invenit Thiara pium, fecit ille Thiarā piam.
 Nolebant hunc Pontificem etiam qui eligebant;
 Pietas fecit ut eligere vellent :
 Nolebat ipse eligi,
 Pietas elegit nolentem.

Aspernatā

Elogia.

25

Aspernata humilem Roma, timuit ne haberet Pontificē;
Postquam habuit, timuit ne amitteret.
Audi miraculum pietatis.
Invitatus ad fidem Judæus, Credam, ait, dum Pon-
tifex eris;
Fuit, & Judæus credidit.
Audi alterum humilitatis miraculum.
Agnoscere matrem noluit sub veste nobili;
Agnovit sub habitu vili.
Nepotem magna spirantem donavit equo, ut Roma
abiret;
Donare equo noluit, ut Romam rediret.
Audi majus miraculum.
Armari ad Lepantum curavit classem bellicam;
Animavit militem, pugnavit, & vicit.
Perierat Turca, si iterum Pius pugnasset:
Dum alterā classem parat, interiit calculi doloribus.
Inter morbum augeri dolores petebat, & augeri
patientiam;
Auxit dolores Deus, & patientiam coronavit
Dum auxit.

SANCTI BONAVENTURÆ

ELOGIUM.

Hic à bonis venturis nomen sortitus,
Invēnit æternitatem intra tempus,
Et bonā ventura possedit dum amavit.
Destinatus à matre Ordini Sancti Francisci ante-
quam natus,
Si nomen mutes, alter Franciscus fuit:
Fundator Ordinis futurus, nisi Franciscus præces-
sisset;
Et penè fundavit dum ruinas restituit.
Æqualis Thomæ & annis & meritis:
Uterque Doctor; ille Angelicus, hic Seraphicus fuit.
Hic tamen optimam partem elegisse visus,

1266.

B 5

Eo

Eo iuit affectu quo alter intellectu;

Et quæ Thomas credit, hæc Bonaventura gustavit.

Ut scias seraphicè doctum,

Uno breviliquio complexus naturam & Deum.

Ex primo principio omnia,

Ex omnibus principium primum:

Ex Deo demonstravit Deum.

Nemo de Deo brevius, nemo clarius scripsit.

Creditus est Seraphim cōmodasse pennas scribenti;

Et puto, dum Seraphim sex alas descripsit, illas habuit.

Interrogatus aliquando à Thoma, cui libro studeret,

Ostendit Christum, & hunc crucifixum.

Illustris Liber scriptus intus & foris!

Meditabatur hunc Librum Bonaventura;

Nec aliunde haurire potuit, quæ de Deo scripsit.

Scribentem vitam S. Francisci Thomas interpellare
non ausus:

Sinamus, inquit, Sanctum de Sancto scribere.

Novum historiæ genus, dum Sanctus scribit, &
scribitur;

Neuter fallere, aut falli potest, uterque Sanctus.

Vis scire sanctitatem Hominis?

In eo non peccasse Adamum scribit Alexander de Ales:

Rediisse videbatur ad innocentiae statum,

Ita veteris Adami nihil habuit.

Profero majus testimonium, Angelicum & Divinum:

Dicitur Angelus ori Hominis Eucharistiam admo-
visse;

Dicitur Christus ipse per apertum latus cor Ho-
minis subiisse.

Quale hoc Sacramenti Sacramentum!

Bonaventura gemino aditu Christum excipit, ore
& latere;

Gemino gutture comedit delicias Dei;

Gemino palato gustat Deum:

Amat gemino affectu,

Alloquitur

Alloquitur gemina lingua :
Mirantur Angeli novas artes amandi,
Miratur Christus, & miracula facit.
Omisi laudare purpuram, ut parcerem rubori Hominis;
Erubuit Vir modestus dum illam gereret,
Recusaturus nisi peccare timuisset.
Admisit illam ne peccaret,
Erubuit postquam admisit :
Nunc quoque erubescit ad laudes.

JOANNIS SCOTI
DOCTORIS SUBTILIS

ELOGIVM.

Hic penè subtilis antequam homo fuit.
Occultavit patriam dum nascitur, ut subtiliter nasceretur.

Tres populi de ejus ortu disputant, plures de obitu:
Nullibi penè natus est, dum ubique nascitur:
Nullibi penè obiit dum ubique moritur.

Cessate lites, ibi Scoti patria est, unde illi subtilitas venit.

Subtilitatem ab ea petiit quæ subtilis esse debuit, ut Deipara esset.

Acceptit ea lege, ut subtilitatē Conceptionis defenderet:
Inde illi subtilitas tanta, ut ipsum etiā nomen subtile sit.
Philosophiam ita docuit, quasi ejus inventor esset;
Ita Aristotelis Discipulus, ut ab eo Aristoteles doceri posset.

In Theologia æquavit Sanctum Thomam, dum superare non potuit.

Et ne unicus Princeps esset, eam in duo regna divisit.

Mysteria fidei nostræ ita scivit, ut penè nō crederet;
Arcana Sapientiæ divinæ, quasi particeps esset.

Sed nihil subtiliùs scivit, quàm subtilitatem conceptæ Virginis.

Agitaba

Agitabatur Parisiis controversia Conceptionis;
 Eam Scotus impuram nolebat, ne Deum inficeret:
 Ducenta argumenta ita repetiit, quasi Deus suggereret;
 Ita dissolvit, quasi Deus ipse responderet.

Produxit rationes tam solidas, ut in ejus verba Sorbona
 juraverit:

Decrevit ne quis admitteretur ad Lauream, nisi Scotista
 esset;

Vovit Festum Conceptionis, ut quotannis Virgotrium-
 pharet.

Non arrogavit sibi hanc victoriam Scotus, quæ
 miraculum erat:

Dum ad pugnam pergit, rogavit imaginem Virgi-
 nis, & imago respondit;

Inclinavit caput imago faxea, & opem promisit.
 Adhuc perseverat inclinatio capitis,

Ne quis de antiquo miraculo dubitet, quod adhuc
 novum est.

Nec minor in homine virtus quàm doctrina fuit.

Coloniam destinatus, ut illic scientiarum Coloniam in-
 stitueret,

Perrexit insalutatis Parisiis, ut obedientia cæca esset.

Abivit pedes Vir triumpho dignus,

Satis oneratus Scoto, nisi Subtilis esset.

Redintegratâ Conceptionis pugnâ renovavit vi-
 ctoriam;

Vicit Discipulos Colonix, qui Parisiis Magistros
 vicerat.

Non incruenta tamen victoria, dum post pugnam
 interiit,

Testis Immaculatæ Conceptionis dum vixit,

Et penè Martyr dum obiit.

Occultavit Vir humilis mortem, qui natales cælave-
 rat;

Tam acutè interiit, ut adhuc de mortis genere dubitetur:

Scilicet subtiliter mori voluit, qui subtiliter natus erat.

Ipse etiam mortis annus incertus est, ut sit ætas tota sub-
 tilis.

Illud

Illud certum est tam multa scripsisse, ut iis legendis vix alter sufficiat.

Pugnat voluminibus cum Thoma,

Plura scripturus, si scripsisset minus subtiliter.

Uterque Doctor; ille Angelicus, hic Subtilis:

Sed hic Subtilis esse non posset, nisi Angelicus esset.

ROBERTI BELLARMINI CARDIN.

ELOGIVM.

Scribendo Bellarmini elogio Orator unus non est satis;
Laudant illum Scriptores mortui per illum redivivi;
Examinavit omnium vitam & doctrinam;
Tulit de singulis iudicium, aliquando severum, semper
verum:

Legi possunt apud illum errores omnes sine errore,

Purgavit illos Bellarminus, & fecit, ne fallerent.

Hec prima laus Bellarmini scivisse omnes Authores;

Scire omnes debuit, qui omnium Censor fuit.

Nihil tamen scientiam Hominis probat magis quam controversiarum liber:

Extra controversiam sunt controversiæ.

Mirantur omnia ingenia ingenium unum;

Inclussit uno volumine mille volumina;

Sufficit omnibus scientiis, vix illi omnes scientiæ sufficiunt.

Mirantur omnes hæreses expugnari se ab uno hoste,

Et vinci uno certamine sexdecim sæculorum hostes.

Quod admirabilius est, placet victoria etiam victis:

Amatur Hominis modesta censura,

Nemo illum damnat, etiam ab illo damnatus.

Debet Ecclesia huic operi clypeum quo se tegat;

Debet arma & tela quibus hæreses vincat:

Debet illi fides, ne sit amplius cæca:

Scilicet illustrat res credendas, & penè demonstrat.

Addit Summæ Anglicæ alteram Summam,

Et

Et Theologiæ Scholasticæ alteram Scholam.
 Neque eminentior est Bellarmini doctrina quàm vita;
 Nihil in ea humile est nisi humilitas.
 Quàm hæc quoque sublimis fuerit, vide.
 Nepos Marcelli Secundi, & dignus qui esset
 Tertius,
 Erubuit ad oblatam purpuram plusquam ipsa pur-
 pura:
 Adigendus fuit à Clemente VIII. sub culpâ graui
 & pœna;
 Et pœnam admissurus erat, si potuisset carere
 culpa.
 Capuanas Infulas adinstit ut aulam fugeret:
 Dum se retineri vidit, infulas restituit.
 Recusavit proventum Tituli qui Titulum recusarat;
 Et vellus Ovium noluit qui Pastor non erat,
 Singulis annis subtrahebat se aulæ, ut morti stude-
 ret:
 Aiebat id faciendum benè quod tantum fit semel;
 Neque ibi errandum, ubi nemo bis errat.
 Meditabatur in eo secessu æternitatem, & penè
 gustabat;
 Et beatus olim futurus penè jam erat.
 Extant singulorum secessuum libelli singuli:
 Sapidi eorum gustui qui æterna sapiunt.
 Denique obiit Vir Sanctus, qui jam penè obierat;
 Nec patriam mutavit, nec penè vitam:
 Eò ivit quò ire consueverat.
 Inviserunt ægrotum Cardinales, & vocarunt San-
 ctum.
 Idem dixit Pontifex privatus, & dicere poterat
 publicus.
 Appellavit Sanctum vox publica: hæc olim ho-
 mines consecrabat.

LVDOVICI

LVDOVICI MOLINÆ

ELOGIVM.

Hic est Vir ille cujus doctrina, non vita
 Publica Academiæ thesis,
 Ubique agitata, hætenus invicta stetit.
 Nulla pars doctrinæ contra fidem,
 Non omnis tamen de fide est.
 Nulla pars falsa, non omnis tamen est certa,
 Nec certior est adversa doctrina.
 Utramque permittit Roma, neutram damnat.
 Utra potior sit, judicent docti, non ignari.
 Hæc ad examen vocata, indemnis exivit:
 Altera nondum ad examen venit.
 Timeri initio cœpit, dum credebatur nova;
 Timeri desit, dum apparuit veterana.

Circa
 an.
 1660.

Agnovit Augustinus gratiam sufficientem cum
 Molina.
 Appellat sufficientissimam facultatem, ut à vo-
 luntate distinguat.
 Agnovit ex se fertilem esse, & per nos sterilem;
 Tunc tantum expertem effectus, cum caret assensu.
 Ea in duobus æqualis, hunc vincit, non alterum:
 Utrumque vincere poterat, si vinci uterque vo-
 luisset.
 Quod ille voluerit, facit voluntas & gratia;
 Quod hic noluerit, facit voluntas sola.
 Adjuvat voluntatem gratia efficitrix, non invitam trahit.
 Secreta est, & secretum sciens,
 Alta & profunda, minax & blanda;
 Sic delectat ut vincat, sic vincit ut non cogat:
 Sic illustrat ut moveat, sic movet ut non determinet.
 Determinat seipsam voluntas domina sui.
 Nisi esset domina sui non esset libera.
 Agnoscit scientiam median Scriptura, & duas ex-
 tremas,

Quid

Quid facturi Ceilitæ nunquam facturi ?
 Quid creditura Tyrus nunquam creditura ?
 Quid futurum quamvis nunquam futurum ?
 Quid decreturus Deus, si decreturus ?
 Quid futurum, si voluntas vellet, & Deus decerne-
 ret.

Antecedunt hanc scientiam voluntatis nutus, non actus,
 Decernit actus Deus post prævisos nutus;
 Sic non læditur libertas quæ exploratur :
 Sequitur illam decretum Dei, non antecedit ;
 Sic non exponit gratias suas Deus, sed dispensat ;
 Sic aptat gratias libertati, & libertatem gratiis.

Explicuit hanc scientiam Molina, non invênit ;
 Appellavit mediam, ut distingueret ab extremis.
 Sic explicuit concordiam humani arbitrij & divini ;
 Sic servat utrique fines imperij sui ;
 Sic voluntatem & gratiam dominas facit, neutram
 ancillam.

Laudabilis Molina dum rem arcanam explicare voluit :
 Tentavit hoc secretum pars adversa, non invênit.
 Arcana res est humana libertas ;
 Solus illam novit, qui condidit.
 Resignabit olim Roma hoc sigillum, imo neque resi-
 gnabit :
 Arcanum debet esse sigillum ut sit liberum.

FRANCISCI SVARIS

ELOGIVM.

1570. **L**audavit hunc Hominé Brevi Apostolico Paulus III.
 Et Suaris doctrinam penè definivit veram esse, dum
 laudavit.

Laudarunt omnes eruditi, etiam aliqui invidi:
 Nullum elogium verius est, quàm quod invidia dictat
 in vita.

Nemo hoc homine plura legit, nemo plura scivit:
 Scivit quidquid sciunt omnes eruditi;

Quæ

Quæ plerique nesciunt, hæc ille docuit.
Interpres magni Thomæ, a'ter sæculi sui Thomas
fuit.

Superasset disputantem eruditus Amalus, nisi Magi-
strum invenisset.

Aliorum Cenfor nihil invenit in Suare quod argueret;
Multa invenit quæ disceret.

Nec doctior fuit Suares quàm modestior;

Neminem verbo læsit etiam lædentem;

Scilicet accusabat errores, non errantes.

Reveritus magnum Regem, sed errantem

Coronavit rationibus, dum admonuit:

Penè excusasset, nisi causa damnasset.

Quinque Academiæ Discipulus, omnium Magi-
ster:

Creditus est ab hominibus multa didicisse, à Deo
plura.

Visus est aliquando terris altior intra aërem raptus;

Iverat in cælum animus, corpus expectabat re-
deuntem.

Denique moribundo hæc vox erupit:

Nesciebam tam dulce esse mori.

Aspexit invitantem Deum, & cucurrit, non ivit;

Ne corpus aggravaret currentem,

Terris reliquit.

Vivit in librorum voluminibus pars ingenij,

Totus illic superstes est ubi nihil moritur.

SANCTI IGNATII

ELOGIUM.

ADhuc literarum rudis scripsit Exercitiorum libellū;

Et pia doctrina totum orbem erudit.

Altero libello de Trinitate ea dixit quæ vidit:

Vidit majorem Dei gloriam, & ubique quæ sivit.

Hoc illi symbolum semper fuit: MAJOR DEI

GLORIA,

C

Nondum

Nondum statutis legibus , hæc gloria pro legibus
erat.

Digessit illâ Ignatius in leges publicas & privatas;

Neque aliud sunt leges Ignatij quàm Dei gloria :

Neque aliud Societas, nisi ejus gloriæ communitas.

Hæc gloria decem hominibus Europam divisit:

Hæc gloria Xaverium ultra orbem misit;

Hæc gloria Ignatij Filiis novos orbis aperuit.

Non facile est dicere quid per Ignatium hæc glo-
ria gesserit ;

Non facile est dicere quid pro ea gloria Ignatius
tulerit.

Pati pro ea gloria felicitatem putabat,

Recusaturus gloriam , ut pati posset pro gloria.

Denique meruit gloriam pro qua diù meruerat :

Hoc symbolū reliquit sociis, *PATI PRO GLORIA.*

Falleris nova doctrina , dum socios Ignatij accusas &
damnas ;

Auges Societatis gloriam , non imminuis :

Hæc Societatis gloria est , pati pro gloria.

HYMNVS ECCLESIASTICVS

S. I G N A T I O.

HVnc mater in præsepio
Parit futuri nescia;

Jam Jesuita nascitur,

Olim futurus affecla.

Ad Pampilonis mœnia

Gravi ruina sternitur;

Nunquam cucurrit rectius

Quàm dum laborat tibia.

Morbus fit illi sanitas,

Dum facta Sanctorum legit ,

Fit ipse Sanctus , & facit

Seris legenda posteris.

Apparet agroto Petrus,

Virgo saluti vendicat;

Miles

Miles futurus Filij
Prius Mariæ militat.

In Æde sacrâ Virginis
Appendit arma militis;
Vili lacerna clavior,
Quàm dum rubet sub purpura.
Vt impudici temperet
Flammas, aquis immergitur,
Non ante visus frigidis
Amor ferire spiculis.

In Æde sacrâ Martyrum
Ponit rudimenta Ordinis:
Qualis putas erit domus
Nascens super cacumina.
Bis quinque Christi Milites
Dicunt Sacramentum Deo,
Conversioni gentium,
Et mundus est votis minor.

Novos IESVS milites
Suo coronat nomine;
Sed quanta sint olim docet
Sub hoc ferenda nomine.
Ignatius Sodalibus
Orbis labores dividit;
Et primus in laboribus
Omnes labores suscipit.

Famem, catenas, verbera
Amore Christi pertulit;
Sed pœna major omnibus;
Non posse plura perpeti.
His vixit in laboribus,
Cœli sed inter gaudia:
Nunc despicit quæ sæpius
Suspexit olim sydera.

Tibi Pater sit gloria,
Tibique Patris unice,
Tibique sancte Spiritus,
In sæculorum sæcula.

C 5

S, FRAN

S. FRANCISCI XAVERIJ

ELOGIVM.

LAudio prolixè Xaverium, dum Alterum Ignatium
 voco:
 Idem utrique spiritus, ab illo datus, ab hoc acceptus;
 Id Xaverius agebat Goæ, quod Ignatius Romæ.
 Nondum Societas leges habebat, & Ignatius lex viva
 erat:
 Veneratus Ignatium Xaverius, scribebat ad illum flexis
 genibus;
 Veneratus Xaverium Ignatius præficere cogitabat sibi.
 Sed audi obedientiam Hominis:
 Una syllaba revocabat ab Indiis;
 Una litera ad Indias miserat.
 Zelo Hominis integer orbis minor erat:
 Ultra Indiam Sinas, ultra Sinas novos orbis quærit;
 Scilicet vas electionis Deo plenum
 Optabat nunciare Deum ubicumque Deus erat.
 Nec mirum, si alter Thomas, & Paulus alter vocetur;
 Nec pauciores populos quàm uterque lustravit:
 Et quod Paulus Occidenti, hoc Xaverius Orienti
 fuit.
 Nec minora passus est (si gladium excipias)
 Nec ille tamen gladio, sed ei gladius defuit.
 Audi vota crucis & mortis:
 Inter delicias Dei, SATIS clamabat & fatis;
 Inter cruces, amplius clamabat & amplius.
 Sed audi providentiam Dei:
 Dum revocatur in Occidentem, mori in Oriente
 contigit,
 Scilicet futurus Indiarum Patronus
 Mori in Oriente debuit.
 Ac vide qua morte, obscura & gloriosa:
 In insulari ignobilis Insulæ, sine ope, & penè sine teste.
 Mortem

Elogia.

37

Mortem obiit Vir humilis qualem volebat & voverat :
Exaltavit humilem Deus , & miraculis publicum
fecit ;
Injectam calcem corripit mortuus , & corrumpi
non potuit ,
Hodiéque integra caro probat integritatem virtu-
tis.
Ne quære miraculorum numerum , vix Oriens
numerare potuit
Mirata numerum Roma, pronunciavit
Vix minorem Apostolis.

HYMNVS ECCLESIASTICVS

S. X A V E R I O.

A Vthore naturæ Deo
Natura mutat ordinem ,
Lux solis inde nascitur
Ubi mori consueverat.

Franciscus Indis gentibus
Cæleste Numen nunciat,
Plagis Eois Occidens
Solem, diémque commodat.

Aurum , lapillos India ,
Gemmas , odores congérat ;
Æquale nil Ganges habet
Quod Occidenti deferat.

Dum dormit , Indi sarcinam
Pendere collo somniat:
Somno solutus curstat
Utrâque onustus Indiâ.

Ingens & orbe vastius
In orbe pectus æstuat,
Christoque mundos subdere
Plures duobus cogitat.

Sat est Deus , clamat, sat est,
Mens plena cœli gaudiis ;

C 3

At

At non sat est, sed amplius,
 Exclamat in laboribus.
 Francisce pectus explica,
 Torumque Numen excipe:
 Adsunt quibus superflua
 Rores refundas gratia.

Orantis è manu crucem
 Excussit unda fluctuans;
 Flevit, minasque fluctuum
 Unâ repressit lacryma.
 Cancer recurvis branchiis
 Crucem reportat littori,
 Dum sic adorat quem videt,
 Rectâ tetendit semitâ.

Jam millionem gentium
 Sacris fluentis merferat;
 Minor capaci pectore
 Et Indus, & Ganges erat.

Metas Sinarum viderat,
 Et Solis incunabula;
 Ultra diei limitem
 Lucere Sol novus parat.

Francisce gressum comprime
 Cœloque permuta Sinas,
 Qui nunc negantur hospiti,
 Olim patebunt Cœliti.

Tibi Pater sit gloria,
 Tibique Patris Unice,
 Tibique sancte Spiritus
 In sæculorum sæcula.

D. FRANCISCI BORGIE

ELOGIVM.

Hic Societatem Iesv penè fundavit,
 Dum socium se dedit penè nascenti.
 Adjuvit fundantem Ignatium;

Et

Elogia.

39

Et fundare poterat , nisi Ignatius prævisset.

Dum obit exercitia Ignatij,

Admiratus spiritum libelli ,

Authoritate Romana publicum fecit ,

Et libello partem orbis erudit.

Defunctæ Imperatricis dum feretrum reddit,

Non ausus jurare eam esse quæ fuit,

Juravit quæri à se Dominum qui mori non posset ;

Vt inveniret , Ignatio se tradidit.

Vidit Ignatius vocatum & vocantem ;

Vidit Novitium & Generalem futurum:

Admissus ab Ignatio , jam admissus à Deo,

Ad culmen virtutum saltibus ivit, non passibus.

Incumbentem capiti Tiaram cum vidit , extimuit.

Placuit Deo timor, & honores fugit dum timuit:

Pellem corporis dimidio brevioris jejunii fecit ;

Alteram medietatem flagellis corrupit :

Nulla virtus in Homine sterilis,

Nulla gratia vacua fuit.

Oratio Hominis contemplatio erat, aut revelatio.

Denique vis scire qualis Borgia fuerit ?

Æmulatus Ignatium vivum , repræsentavit mortuum.

Duplex in utroque spiritus.

In illo infusus , ab hoc acceptus ,

In utroque unus,

S. FRANCISCI SALESII

Genevensis Episcopi

ELOGIVM.

Declaravit illum Roma Beatum , non fecit :
Fecerunt Sanctum omnes virtute , fecit ille sanctas.

Nulla virtus illi defuit , nulli ipse virtuti.

C 4

Nullus

Et

Nullus gratiæ gradus in eo infimus , omnis excellens
fuit.

Aiebat in Episcopo vitium esse, non esse optimum:

Attingerat eum gradum Vir optimus , & in eo stetit.

Charitas in eo ei similis quâ Deus nos diligit.

Probant amoris eminentiam quæ de amore scripsit;

Aut dictavit illa amor divinus, aut docuit,

Aut commodavit alas scribenti.

Similis erat amor proximi, amor Dei ;

Videbat in Deo proximum, & in proximo Deum:

Æstimabat animas eo pretio quo Deus redemit.

Inde ille zelus animarum avidus;

Optabat alas columbæ ut orbem pervolaret;

Quò ire alis non potuit, libris ivit.

Nemo scit literas qui Philotheam ejus non legerit;

Nemo legit quem illa meliorem non fecerit.

Humilitas Hominis altior esse non potuit;

Pastor sine grege & sine sede:

Episcopatum admisit ne Episcopus esset,

Recuraturus Genevam, nisi Geneva fuisset.

Benignitas Hominis miraculo non caruit :

Infedit aliquando ejus capiti Columba hospes;

Intra pectus altera columba fuit.

Ne dubites Columbam fuisse, sine felle fuit :

Nemo Salesium vidit iratum,

Nemo ab eo recessit iratus.

Placebat omnibus , etiam dum argueret:

Amabatur ab Hæreticis etiam dum refutaret.

Geneva ipsa sæpè dixit, non carerem Pastore,

Si tales semper habuissem Pastores.

Denique Vir innocentissimus nihil peccasse credi-
tus est,

Nisi in Adamo ,

Et fortè Adamus non peccasset , si fuisset Salesius.

Nec frustra dies Innocentibus sacer primus, est illi &
ultimus ;

Innocens obiit , nihil vivus peccaverat.

D. FRANCISCI SALESII
ad suam Genevam

CARMEN PARÆNETICVM.

Audi Pastoris vocem, dilecta Geneva;
Vera loquar, nescit purum mendacia cœlum:
Fallere nec superi possunt, & fallere nolunt;
Damnaret fraus illa Deum. Decepta Geneva
Errores dedisce tuos: deceptio prima est
Ejurasse fidem Petri, Romamque Magistram,
Et Christum finxisse novum, nova Sacramenta,
Templa nova & nuda; & sacris Altaribus Agnum
Præsentem, vacuis repræsentare figuris;
Et sterili cœnare fide: Sed inanis imago
Si placet in Cœnam, cur non in imagine Christus
Penè iterum moriens, iterumque ex arbore pendens.
Cur arbor non ipsa placet, cur Matris imago
Displicet; & cœli Virgo, mundique Patrona
Cur non est Patrona tui? cur Cœlituum aula
Non est aula tibi? proceresque & Regis amicos
Cur dubitas posse esse tuos, speculùmque tuentes,
Monstrantemque Deum? Cur surdos esse beatos,
Aut surdum vis esse Deum.

Grege dilecte mihi, quis te per devia Pastor
Abduxit, prædàmque lupis objecit edendam;
Et lupus ipse fuit: pellis decepit ovina,
Sed lupus, & falsa tygris sub pelle latebat;
Et Pastor decepit oves. Miseranda Geneva
Doctrinam dedisce novam, Romamque docentem,
Et fidei antiquæ veteres agnosce Magistros.

Enumera Patrèsque tuos, Patrùmque Nepotes,
Doctrinæque novæ juvenes miraberis annos.
Quin etiam vivunt intra tua mœnia Cives
Qui vidère novæ nasci cunabula Sectæ.

C 5

Aspice

4- *Illustrium Virorum Elogia.*

Aspice sublimes turres, pendentiaque æra;
Monstrabunt hæc æra Petrum, Romamque sonabunt.
Descende, & stratos lapides, & marmora lustra;
Hic jacet indutus solemnī veste Sacerdos,
Elatūque Calix, & sacræ insignia Missæ;
Et quæ tu rides mysteria, marmor adorat.

Sublimes attolle oculos, vitreâsque fenestras
Aspice: vivit in hac redivivus imagine Christus;
Gratatur Virgo, sacrisque dat oscula plagis,
Et tacitus narrat Matri miracula Christus.

Parte aliâ cælum scandit, spectantque, dolentque
Discipuli: sequitur tristis singultus in auras;
Et vitrum sudat lachrymis, & gaudia sentit.
Hic medios inter Laurentius uritur ignes,
Apparent flammæ, & parcunt incendia vitro.

Hic Stephani carnes lacerant immania saxa:
Admittit lapides vitrum, saxisque resistit.

Heu veteris fidei vitrum vestigia servat!
Quod solidum est non durat, & est durabile vitrum.

Grege dilecte redi, veteresque agnosce Magistros;
Et dedisce novos: Nova te doctrina fefellit;
Et falsum est dogma omne novum, divina vetustas,
Nil cœleste novum est; Deus ipse erroneus esset,
Si posset novus esse Deus.

*SVBSEQUUNTUR ELOGIA DEI,
& Deipara Virginis Maria.*

ELOGIA



ELOGIA DEI.

I.

Existentia Dei.



NON existeret mundus, nisi existeret Deus:
 Nec navis sine gubernatore,
 Nec tabella sine pictore,
 Nec sine architecto palatium,
 Nec sine rege imperium,
 Nec sine dūce exercitus,
 Nec sine Deo esset mundus.
 Si elementa, si rupes, si arbores loqui scirent,
 Loquentis naturæ vox una hæc esset; Datur Deus.
 Nemo de Deo dubitat, etiam impius,
 Solus in corde suo Deum negat,
 Sed dum sic negat, affirmat,
 Cæteris in rebus ignari esse possumus,
 Omnes hac in parte Christiani sumus.

II.

Natura Dei.

NE quære genus Dei, nihil habet commune;
 Nec differentiam, totus ab aliis differt,
 Nec accidentia, totus substantia est:
 Vis scire quid sit Deus?
 Apex entium, vertex rerum,
 Ens à se, actus purus,
 Nullus de alieno, totus de suo,
 Fons fluminis sui,
 Oceanus se ipso plenus,

Nullius

Nullius egens, & quo omnia egent,
Id quo nihil est melius,
Hic est Deus.

III

Unitas Dei.

VT scias Deum esse unum, quære quid Deus sit,
Non esset actus purus, nisi esset unus,
Non esset id, quo nihil est melius, nisi esset solus;
Si essent plures, singuli haberent sua, non omnia:
Deesset igitur alteri, quod alter haberet;
At ille non est Deus, cui aliquid deest;
Et liberi essent singuli, si essent Dij,
Possent igitur alter nolle, quod alter vellet,
At ille non esset Deus, cui resisteret Deus:
Nullitas Numinum est pluralitas Numinum,
Unicitas Dei, est Dei veritas.

IV.

Trinitas Personarum.

Divinus penè est Deum trinum esse, quàm unum,
Demonstrat unū Theologia, non demonstrat trinū,
Publica penè est unitas Dei, arcana Trinitas;
Latet sub velo fidei, & credi potest, non sciri.
Quis illud intelligat, naturam divinam unitate distribui?
Conflari numerum, nec ab unitate recedi?
Communicari naturam, nec dividi?
Quis capiat tres esse personas, non substantias?
Cur inter æquales una sit prima?
Cur nec pauciores esse possint, nec plures?
Quis explicet Patrem priorē esse Filio, non antiquiorē,
Spiritus Sanctum spirari, non gigni,
Procedere æqualem Patri, non similem,
Aut similem Filio esse, non fratrem.
Superant hæc omnia rationem, non fidem,
Exceditur humana ratio, non fallitur,
Et adiuta alieno lumine scit penè quod credit

Debet

Dei Elogia.

45

Debet intra se Deus exercere societatem, ne sit solus,
Debet loqui posse, ne sit mutus,
Debet igitur unus esse qui dicat,
Debet alter esse qui audiat,
Debet tertius esse qui dicat & diligat.
Debet unus esse qui amet,
Debet alter esse qui redamet,
Debet tertius esse, cui uterque amorem communicet:
Sic absolvitur numerosus divini amoris circulus,
Nec locus est quartæ personæ,
Deum exhaustere tres primæ.

V.

Pater æternus.

Hic sine avis & proavis; sine patre, nec pater sui,
Ante mundum, & ante nihilum,
Æternitatem vidit, & fecit,
Post æternitatem mundum ex nihilo creavit, cum voluit,
Ante mundum genuit Verbum ex seipso, non ex nihilo;
Locutus est, nec potuit loqui, nisi alteri,
Alterum illum produxit, cum dixit,
Dedit illi omnia sua, ut esset æqualis,
Fecit imaginem sui, ut esset similis,
Nihil excepit nisi titulum Patris, quem dare non potuit.
Sic tamen omnia dedit, ut nihil amiserit,
Fecit de suo divitem, nec se pauperem;
Sufficit eadem divinitas duobus, & sufficit tribus:
Solut ex se produxit Verbum, & cum illo Spiritum,
Minus esse non debuit fecundus corde, quàm mente,
Prior utroque est, non tamen antiquior,
Prioritas est originis, non ævi, aut temporis,
Æquæque vitæ sunt, qui semper vixere.

VI.

Verbum æternum.

Hic fœtus mentis paternæ, & Verbum oris,
Videntis speculum, Echo loquentis,
Alius est à Patre, non aliud,

Eloquens

Dei Elogia.

Eloquens Pater omnia verbo uno dicit, & uni;
 Nec alius esse potest, qui dicat,
 Nec alius esse, qui audiat,
 Nec præter id, quod dixit, est aliud.
 Exhaustit magnum Oratorem sermo unicus;
 Nihil habet ultra quod dicat, qui dixit omnia;
 Non intermittit tamen dicere, qui semel dixit,
 Singulis momentis idem dicit, nec repetit,
 Semper genitus est Filius, & semper gignitur,
 Cessaret Pater esse, si cessaret dicere,
 Cessaret Filius esse, si cessaret audire,
 Et si esse posset in Deo silentium,
 Nec Pater esset, nec Verbum.

VII.

Spiritus Sanctus.

Hic à Patre, & Filio, non ore, sed corde,
 Nec linguâ procedit, sed flammâ,
 Pater, & Filius duo spirantes, nec duo spiratores.
 Uno spiritu, & mutuo impetu
 Eliciunt flammam, quam anhelant,
 Procedit à duobus Spiritus unus,
 Halitus oris, vapor cordis,
 Gemini amantis unum osculum,
 Gemini spirantis unum suspirium,
 Patris, & Filij cor unicum.
 Exhaustit spirantes anhelitus unus,
 Nec tamen amare cessant, dum semper anhelant,
 Cessarent vivere, si cessarent spirare,
 Sic Patris fecunditas exhaustitur in Verbo,
 Sic Pater, & Filius quiescunt in osculo,
 Sic tres personæ implent amabilem circulum,
 Sic extendunt triangulum, nec deserunt centrum.

VIII.

Verbum incarnatum.

Hic ex Deo homo, ex homine Deus,
 Naturam divinam innatâ purpurâ,

Humanam

Dei Elogia.

47

Humanam vestivit alienâ ,
Illam terminans , hanc sustentans , utramque copulans ;
Eundem semel hominem , semel Deum ,
Eâdem corona bis regem facit ;
Idem infinitus , & finitus ,
Idem æternus , & novus ,
Idem Deus , & homo est , ut sit IESVS ,
Idem homo esse debuit , ut debitor esset ,
Idem Deus esse debuit , ut posset solvere ;
Idem immortalis , ut Deus ,
Homo esse voluit , ut mori posset ,
Idem hominis misertus , ut Deus ,
Ut Misericors esset , Miser esse voluit ,
Idem de homine cogitat gemino intellectu ,
Idem homines amat duplici affectu :
Idem bis liberalis , ut tribuat ,
Bis misericors , ut parcat ,
Bis potens , ut protegat ;
Idem geminatas virtutes habet , ut sæpe sit bonus ;
Denique vis scire quid sit IESVS ?
Plus aliquid dicit IESVS , quàm Deus.

I X.

Infinitas Dei.

Non esset Deus , nisi esset infinitus ,
Posset crescere , si esset finitus ,
Posset melior esse , nisi esset optimus ;
At Deo nihil potest esse aut maius , aut melius.
Neque uno tantùm modo infinitus est Deus , sed omnibus ,
Infinitè sapiens esse debet , ut sciat omnia ,
Infinitè potens , ut faciat ,
Nisi esset infinitè sapiens , esset aliquid quod nesciret ;
Nisi esset infinitè potens , esset aliquid quod non posset ,
Illud aliquid esset nihil ,
Nec tamen nihil est aliquid ,
Unum est , quòd Deus non potest errare ,
At hoc est infinitum esse , non posse deficere.

X. *Immutab. l.*

Immutabilitas Dei.

Immutabilis est Deus omnia mutans,
 Mutare non posset omnia, nisi esset immotus,
 Idem semper, non alius,
 Nunquam novus, nunquam vetus,
 Vidit juvenem mundum, & vidit senem,
 Nec juvenis ipse, nec senex:
 Nec mutare locum potest qui ubique est,
 Nec situm, qui figurâ caret,
 Nec mutat consilia, quæ sunt æterna.
 Nihil videt oculus infinitus, quod semper non viderit,
 Nihil amat, quod semper non amaverit,
 Nihil odit, quod semper non oderit,
 Nihil decernit, quod semper non decreverit,
 Scilicet destinavit ab æterno agenda in tempore,
 Nova sunt opera, non decreta,
 Mutatur tempus, non æternitas,
 Et quod jam facit, penè ante jam fecerat.

XI.

Æternitas Dei.

NE quære annos Dei, Majores non habet,
 Si haberet, esset junior; & avº Deus esset, nõ nepos.
 Nec quære quando incepit,
 Nunquam incepit, qui semper fuit,
 Semper fuit, qui aliunde nihil accipit,
 Fundamentum entium nihil habet antiquius,
 Principium rerum nihil habet prius,
 Deus authorem non habet, neque ipse est author sui.
 Deus est ens à se, nec tamen est effectus sui,
 Neque existit Deus, quia durat,
 Durat quia existit.
 Cæterarum rerum mensura est tempus,
 Deus est mensura temporis, & æternitatis.

XII. *Immensitas*

XII.*Immensitas Dei.*

Implet omnia spatia Deus, nec impletur,
Intra omnem locum est, & extra omnem locum,
Ante mundum ipse sibi mundus erat, & locus,
Ne quære ubi erat, quando nihil erat,
Intra seipsum erat.
Non accessit ad mundum, quando illum condidit,
Nec recederet, si illum destrueret;
Intra Deum esset Deus, & ubique esset;
Neque est ubique per portiones sui,
Partes non habet qui est spiritus,
Si dividi posset, non esset Deus:
Totus est intra mundum Deus, totus extra illum,
Partes habet locus, non Deus,
Facile ubique totus est, qui est infinitus.

XIII.*Sapientia Dei.*

Scit omnia Deus, & nihil didicit,
Nihil obliviscitur, & nihil meminit,
Nihil addiscit novi, quod semper non sciverit;
Scit præterita, quia illa fecit,
Scit præsentia, & illa aspicit,
Scit futura, quia illa decernit,
Scit quod nunquam erit, & quod esset, si decerneret:
Scit ipsum nihil, & dum nihil scitur penè est aliquid;
Videt res omnes extra se, & intra se videt,
Spectator est rerum, & speculum,
Pictor est, & imago innata, non facta:
Vivunt in hac imagine res expertes vitæ,
Meliores in ideis suis, quàm in se ipsis;
Penè illis nocet Deus, dum extra se facit.

D

XIV. Omnipa-

Omnipotentia Dei.

Quæris quid possit omnipotens Deus ;
 Potest id omne quod vult ,
 Non vult tamen id omne quod potest ,
 Post omnia potest plura ,
 Non potest id totum facere , quod potest facere ;
 Non potest facere nunc , quidquid potest facere nunc ;
 Exhaustiret potentiam suam , si omnia faceret ,
 At magno Artifici debet superesse quod possit .
 Nobilior est opere ipse modus operis ,
 Nec sociis eget ad bella , nec auxiliis ;
 Musca illi miles , & rana exercitus est ,
 Vocat ea ; quæ non sunt ; & dat arma dum vocat ,
 Audit imperantem nihilum , & obêdit ,
 Atque hæc obedientia nihili peperit mundum ;
 Unum est , quod non potest Deus , peccare ,
 At hoc est potentem esse , malum esse non posse .

X V.

Bonitas Dei.

Ad deum bonus est Deus , ut nemo præter eum sit bonus ,
 Neque est bonus tantum , sed ipsa bonitas ,
 Neque hæc est una virtus , sed omnium cumulus ,
 Totum Deum dicit , qui appellat bonum .
 Neque intra Deum hæc bonitas sistit ,
 Particulas sui divisit , cum mundum condidit ,
 Major portio bonitatis homo fuit ,
 Totam se effudit , cum Deum hominem fecit ,
 Fallor , tota exivit ex Deo , tota in Deo stetit ;
 Satis est tribus personis eadem bonitas ,
 Ut sit satis est infinita .

X V I.

Charitas Dei.

Hæc adeo fecunda est , ut intra Deum spiret Deum .
 Amant se Pater , & Verbū , & dū se amant , Deū spirāt ;
 Halitus

Dei Elogia.

51

Halitus est Patris, & Filij Spiritus sanctus,
Osculum est duorum receptum à tertio,
Fœcundum osculum, quod imprimit Deum Deo.

Sistere intra Deum hæc Charitas non potuit,
Sic Deus dilexit mundum, ut Filium unicum dederit,
Sic Pater & Verbum amarunt, ut donarint Spiritum,
Dedisset se ipsum Pater, si fuisset qui donaret,
Dedit tamen se ipsum, dum donavit heredem suum.

XVII.

Suavitas Dei.

Laudatur suavitas divina, dum gustatur;
Novum elogiij genus, gustu laudare, non dictu,
Gustaverat illam regius Propheta, cum diceret;
Gustate, & videte quàm suavis est Dominus;
Hæc affula divinis virtutibus illas temperat;
Severior esset justitia, nisi suavitas illam leniret;
Fortior esset omnipotentia, nisi suavitas temperaret.
Nec modus tantum virtutum suavitas est, sed amabilis virtus;
Hæc hominem admittit ad colloquium Dei,
Hæc Deum homini familiarem facit,
Gustant se invicem Personæ divinæ, dum se amant,
Gustant Beati, & potus est illis Deus, ac cibus;
Quale convivium gustate Deum, & habere convivam.

XVIII.

Patientia Dei.

Qualis illa patientia, quæ saturari probris non potest,
Quinquaginta sæculorum injuriis irritatus Deus
Expectat interitum mundi, ut longius pati possit,
Quasi injuriæ non essent satis, dolores addidit,
Hum num corpus induit, ut lædi posset, & mori,
Sæpè moriturus, nisi miraculo vitam servasset,
Miracula fecit, ut pati posset, & mori;
Illustrius aliquid addo, & miraculo majus.
Redivivus, & immortalis invenit novum genus moriendi,
Instituit sacrificium, in quo victima esset,
Et quoties immolatur, toties mysticè moritur.

D 2

XIX. Clemens

Clementia Dei.

HÆc est ars Dei nobilissima parcere posse, & velle,
 Parcere nolunt, aut nesciunt ignobiles animæ,
 Nihil divinius facit Deus, quàm dum ignoscit;
 Ac vide clementiæ modum extra omnem modum:
 Parcit armatus dum ulcisci potest,
 Parcit ingratis, & sæpè,
 Plus aliquid dico, parcit invitis;
 Pepercit ab ineunte mundo, & perseverat parcere;
 Audi aliquid divinius, prævidit peccatum mundum, &
 condidit.
 Audi aliquid majus, quievit septima die postmūdū cōditū;
 Quæris causam quietis; peccaverat homo, invēnit cui
 parceret.

XX.

Misericordia Dei.

HÆc virtus iterum, & sæpè Deum Creatorem facit,
 Creavit hominem, dum extraxit ex nihilo naturæ,
 Creat dum educit ex nihilo miseriæ,
 Creat dum attollit ad statum gratiæ;
 Audi quàm valdè placeat Deo hæc nobilis virtus,
 Patrem se misericordiæ appellat, non justitiæ,
 Scilicet de alieno justus, misericors de suo,
 Misereatur volens, punit invitus,
 Miserum penè se putat dum miseros videt,
 Neminem creavit Deus, ut esset miser,
 Nemo esset miser, nisi esse veller,
 Quod velit tota culpa est miseri, nulla Dei.

XI.

Liberalitas Dei.

HÆc est indoles Dei, magna largiri,
 Hoc est Deum esse, benè omnibus facere;
 Egenæ naturæ donare nolunt, aut nesciunt,
 Exhaustiri timent, si aliquid donent,
 Fons exiguus perire se credit, dum fluit,

Dei Elogia.

53

Oceanus gaudet tot filios habere, quot fluvios,
Liberalis Deus divitem se esse gaudet, ut donet,
Atque oceano similis fluere ex se dona permittit,
Ac vide liberalitatis gradus:
Dat Deus beneficia sua, non vendit,
Dat ut munus, non ut scenus;
Dat ut tribuat, non ut recipiat;
Quod liberalius est, donat omnibus, etiam indignis;
Quod majus est, donat ingratis;
Quod magnificentius, donat invitis,
Quod divinius, post dona sua, donat se ipsum;
Ire ulterius liberalitas non potest,
Exhauriret donantem Deum, nisi esset infinitus,

XXII.

Iustitia Dei.

Agnoscat iustitiam Dei scelus & virtus,
Nemo illam negat, etiam Atheus,
Affirmat illam etiam dum dubitat,
Et fatetur illam, dum illam timet:
Nemo huius timoris expers est, etiam qui nihil timet,
Sentit illam, etiam dum excludit,
Lædit jus Dei peccator dum offendit,
Iustus est Deus dum scelus punit,
Iustus est dum mercedem rependit, quam promisit;
Promisit illam misericors Pater,
Reddit illam iustus Iudex:
Claudicaret iustitia, nisi esset gemina,
Debet poenam sceleris, & coronam virtuti.

XXIII.

Sanctitas Dei.

Procubunt Angeli, dum sanctitatem Dei proclamant,
Velant facies suas, & tantum lumen non sustinent,
Complicant alas, & immoti manent,
Inclinatur cælum ad reverentiam, dum hoc nomen audit.
Tremunt orbis universus, & adorant quod metuit.
Scilicet continetur hac voce, Majestas Dei.

D

Dei Elogia.

Totum Deum dicit, qui appellat Sanctum,
 Excluditur hoc nomine quidquid non est Deus,
 Includitur omnis titulus Dei,
 Et plus ferè sonat Sanctus, quàm Deus.

XXIV.

Dominium Dei.

Non ante fuit Deus, quàm Dominus,
 Non incepit aliquando hoc dominium, nec cessabit,
 Ortum non habet, nec exitum, quod est æternum,
 Nec acquisivit hoc dominium Deus, nec accepit.
 Inde est Deus, unde est Dominus,
 Ne quære limites regni, nescit limites Deus,
 Subest huic regno quidquid est aliquid,
 Subest quidquid est nihil,
 Subsunt huic dominio reges terrarum,
 Aliorum domini sunt subditi Dei.
 Repetere coronam potest, qui illam dedit,
 Et repetit coronam, dum repetit vitam,
 Solus Deus nihil amittit, nihil accepit.

XXV.

Providentia Dei.

Nulli hominum generi ignota est providentia,
 Nullum hominum genus est illi ignotum,
 Agnoscit illā arator, dū projicit sementē, & illi cōmittit,
 Excipit illam providentiæ sinus magis, quàm terra,
 Serit palmites vinitor, providentia nutrit,
 Regit oves pastor, providentia pastorem;
 Invenère artes primi Artifices, providentia fecit, ut
 invenirent.

Hæc providētia populos Regibus subjicit, & Reges sibi;
 Hæc egestatem divitiis, divitias temperat egestate;
 Hæc per inopes divites alit, per divites inopes:
 Aspice hanc rerum universitatem, liber est providentiæ,
 Hujus libri paginæ elementa, res creatæ sunt literæ;
 Legit hunc librum eruditus, legit qui nescit legere.
 Sed fugit hanc providentiā, non ipsa fortuna,
 Providentiæ, quos appellamus casus,

Dei Elogia.

55

Et decreta Dei sunt libera, quæ vocamus fata,
Supponunt hæc decreta libertatem hominis, ne illam
lædant,
Explorat Deus humanum arbitrium, & penè ponderat,
Prius videt agenda ab homine, quàm decernat,
Agunt simul homo & Deus,
Nec prius homo, nec prius Deus.

*Decem breviora Elogia Dei Vnius,
& Trini.*

I.

Nus est Deus, nec tamen est solus,
Nec Deus esset, nisi esset unus,
Nec beatus esset, si esset solus,
Unitatem requirit divinitas,
Et Trinitatem felicitas.

II.

Mutus esset Deus, nisi loqui posset,
Nec loqui posset, nisi alter audiret;
Debet esse unus, qui dicat,
Debet alter esse, qui audiat,
Debet esse tertius qui dicta repetat.

III.

Minus perfectè se amaret Deus, nisi esset trinus,
Debet esse unus, qui amet,
Debet alter esse qui redamet,
Debet esse tertius, qui amorem excipiat,
Quo uterque se amat.

IV.

Sic intra Deum loquitur unus, & duo audiunt;
Pater omnia dicit,
Verbum omnia audit,
Spiritus omnia repetit,
Nec plures esse possunt, qui dicant,
Nec plures esse, qui audiant.

V.

Sic intra Deum monas gignit monadem,

D 4

Sic

Sic utraque in se reflexa spirat amorem ?
 Æqualis est hic amor amantibus,
 Amat intra Deum Deus, & amatur Deus,
 Duo se amant, & amatur tertius, & est Deus.

V I.

Sic exhauritur divina fecunditas,
 Sic Pater exhaurit omnia verba Verbo uno,
 Sic Pater & Filius exhauriunt amorem uno osculo,
 Sic Spiritus sanctus nihil invenit quod producat:
 Intra Deum nihil deest, quod addi possit.

V I I.

Necessariæ sunt eæ productiones, non liberæ,
 Nec Deus esset, nisi esset Pater,
 Nec Pater esset, nisi Filium gigneret,
 Nec uterque esset, nisi uterque spiraret,
 Nec Spiritus à Filio differret, nisi ab illo procederet.

V I I I.

O Æqualitas personarum, & inæqualitas,
 Nec antiquior est, qui producit,
 Nec junior, qui procedit,
 Nec ditior, qui omnia tribuit,
 Nec pauperior, qui accipit:
 Qui dat omnia, nihil amittit,
 Qui accipit omnia, nihil adimit,
 Trinitas est personarum,
 Et unitas divinum.

I X.


O mysterium rationem excedens, non fidem,
 Tres intra Deum divitias habent, nec sunt tres divites;
 Tres regnant, nec sunt tamen tres Reges;
 Tres intra Deum habitant, nec sunt tres hospites,
 Eadem domus est tribus, & idem Dominus.

X.

Andi aliquid majus, quod credere licet, non scire,
 Plures sunt notiones personarum, quam relationes,
 Plures relationes, quam differentiae;
 Tres intra Deum referuntur quatuor respectibus,
 Tres dignoscuntur quinque notionibus,

Sic

Sic tamen tres differunt , ut tres sint. unum,
Tria germīna Deitatis , & unius stirpis,
Tres flores unius radicis,
Tres fluvij ejusdem fontis,
Tres radij ejusdem solis ,
Unicus Deus est , & tamen est trinus.



HORÆ DVODECIM

PASSIONIS CHRISTI.

HORA PRIM A.

Iturus ad Crucem , valedicit Matri.

NUNC denique divellor à te Mater , & penè di-
venor à me :

Vocor ad mortem, & moriendum est Deo pro homine.
Promisi ab aeterno hanc mortem, cum vadem me dedi ;
Deest homini unde solvat, & cautioni solvendum est :
Hic erit ordo Passionis meæ & tuæ.
Instituam hodie convivium mei, & sæpè vescêris me;
Tradar ab uno ex meis, & amicum appellabo dum trader.
Accusabor, flagellabor, damnabitur Deus ab homine:
Denique videbis me morientem , & mori voles.

HORA SECUNDA.

Ingressus in hortum Gethsemani.

Ingreditur in hortum Adamus secundus , ubi peccaverat
primus.
Prosternit se humi, ut emendet humilis , quod superbus
peccavit.
Transeat à me calix, ait infirmitas, ne transeat, ait volūtas.
Non quod ego volo, sed quod tu, nec sicut ego volo, sed
sicut tu:
Ter oravit , & poterat vivere, nisi mori maluisset.

D 5 HORA

H O R A T E R T I A.

Agonia Christi.

Qualis hæc agonia quæ Deum turbavit, sed turbari volentem!

Offert se tota Passionis series & abusus Passionis.

Turbatur, & penè horrore moritur antequam moriatur.

Mittit Angelum Pater ut mortem persuadeat, non ut amoveat.

Posita erat conditio mortis, hanc spiritus vult, caro nollet.

Erumpit sanguis per omnes venas; exiret vita, nisi Deus retineret.

H O R A Q V A R T A.

Traditio.

Tradit Christum Judas, & appellat Magistrum dum tradit.

Tradi se patitur Christus, & amicum vocat qui tradit.

Iuda vendidisti argento Deum, & osculo tradis!

Quale commercium! venditur Deus, & est homo qui vendit.

H O R A Q V I N T A.

Capitur & ligatur.

Interrogat hostes, quem quærant, & se offert quærentibus.

Verbo uno sternit omnes, & altero erigit.

Furiosi tamen vinciunt, impellunt, & trahunt.

Parcite vinculis hostes, fortior est amor funibus;

Agnus est, & vult mori, non vinciri, nec trahi.

H O R A

H O R A S E X T A.

Ducitur ad Annam & Caïpham.

Adductus ad Annam & Caïpham, invenit hostes, non Pontifices.

Apud illum alapa cæsus causam rogavit, & tacuit.

Apud istum inversus, & cæsus urgetur divinare quis læsit.

Nox erat, cædebatur Christus, & latebat Deus.

H O R A S E P T I M A.

Traducitur ad Pilatum.

Traductus ad Pilatum, ut damnaretur, etiam justus;

Fecit reum Judicem, dum declaravit Innocentem.

Inique Iudex, si reus est, cur non adjudicas mortem?

Si est innocens, cur non dimittis, quem absolvis.

H O R A O C T A V A.

Offeritur Herodi Regi.

Oblatus Herodi, ut bis innocens esset, aut bis reus;

Siluit; & miraculi loco silentium fuit.

Indutus veste albâ appellatus est stultus, & erat Deus.

Nec sapiens esset, dū pro homine moritur, nisi esset Deus.

H O R A N O N A.

Alligatur columna.

Interea, alligatus columnæ, flagellis cæditur.

Laceratus plagis, clamatur homo, & vix agnoscitur;

Denique postponitur Barrabbæ homicidæ;

Et dum vult occidi, penè homicida sui, & deicida est.

H O R A

HORA DECIMA.

Gestat Crucem.

Ibat ad Crucem, oneratus Cruce Deus.
 Ferebat victima lignum in quo erat moritura;
 Succubuit medio in itinere sub onere arboris.
 Heu quale pondus! quo opprimitur ipse Deus.
 Vidit cadentem Mater, & à Filio visa est;
 Obstupuit, expavit, defecit.
 Sustinuit deficientem Filius, dum ipse deficit.
 Adhuc ostenditur peregrinis deliqui locus.

HORA VNDECIMA.

Moritur in Cruce.

Denique pendet affixus cruci homo Deus.
 Quale spectaculum Deo, Angelis, & hominibus!
 Pallet, deficit, loquitur, moritur.
 Improba mors, quid quæris amplius? expiravit Deus.

HORA DVODECIMA.

Excipitur à Matre.

Allocutus è Cruce Matrem, vale ultimum dixit.
 Aspexit illa morientem, & mori voluit.
 Excepit ulnis refixum è cruce Filium;
 Et quem genuerat vivum, penè est enixa mortuum.

VITA



VITA, ET ELOGIA

Beatæ Virginis.

ELOGIVM PRIMVM.

Ab æterno ordinata sum.



B æterno ordinari debuit opus æternum;
Ante tempora inchoandum erat, cui tempus
non sufficit,
Cæteris operibus momentum satis est, & pars opificis,
Totum Deum occupavit hoc opus:
Infiniti laboris opus erat, si Deus operando laboraret;
Scilicet designanda erat Verbo Mater Verbi.
Deus nihil extra se videt æquale sibi,
Accedit ad æqualitatem Dei Mater Verbi.

I I.

Figura Mariæ.

P Rælufit tanto operi Deus per minora opificia;
Rudimentum fuere Mariæ antiquæ fœminæ,
Ostendendæ plures erant, ut quam vellet Verbum elige-
ret,
Colligendæ erant intra unam virtutes omnium;
Et Sara, & Rachel, & Iudith, & Esther
Figuræ fuere Mariæ, sed minores,
Unum est, quod omnibus defuit, matrem esse & vir-
ginem;
Debeatur hic honos Matri Dei, non alteri;
Nec nasci ex virgine Deus debuit,
Nec virgo mater esse debuit, nisi Dei.

III. *Mariæ*

III.

Maria Revelata Patriarchis.

REvelavit Deus hanc matrem antiquis temporibus,
Et pars salutis erat credere Matrem Dei,
 Colebatur à Patribus Mater Dei futura,
 Offerebantur preces Virgini paritura:
 Tradebatur hæc pietas à patre filiis, ab illis nepotibus;
 Natæ sunt Congregationes Virginis antequam ipsa nas-
 ceretur,
 Singulæ familiæ sodalitia erant, & domestici sodales,
 Discite sodales servire Virgini natæ,
 Patres vestri servierunt futura.

IV.

Parentes Virginis.

Parentes Virginis steriles erant, & penè virgines,
 Tales esse oportuit, ut partus virginis miraculū esset.
 Sanctissimi parentes citra prolis labem filiam genuere,
 Ceteri coniuges prius infanticidæ, quàm parentes,
 Prolem maculant dum, progenerant,
 Et mater occidit, dum concipit;
 Sola Maria omnis Maculæ expers,
 Maternum uterum pulchro honestavit ingressu,
 Et natalem sinum consecravit, dum exiit.

V.

Conceptio Immaculata.

NE maculam originis contraheret filia Adami,
 Deū vidit eo momento, quo alij privatur jure vidēdi,
 Exclusit peccatum hic clarus Dei intuitus,
 Exclusit gratia, quæ eo momento fuit plena,
 Nec violavit legem originis, quæ ante legē prævisa fuit,
 Exceperat legislator eā fœminam, quam matrē eligeret,
 Et debuit excipi, ne prolem macularet, dum concipit.
 Sic sola Virgo proles fuit Adami parentis, non peccantis,
 Sic sola Adami filia lutum Adami non oluit.

E o

Deipara Virginis Elogia.

Eo momento beata, quo omnes sumus miseri,
Et tunc filia amicitiae, cum nos iræ.

63

VI.

Maria intra uterum Matris.

NEque eo momento nuda in lucem prodiit,
Venit cum Reginâ omnis supellex virtutum;
Et Maria dives uno momento fuit.
Nemo Sanctorum hujus momenti gratiam æquavit,
Et Maria cæteris momentis omnes cælitæ vicit,
Scilicet augebat gratias, & augmenta gratiarum,
Nec magis numerari augmenta possunt, quàm momenta.
Ne quare, qua arte saperet, quæ nondum sentiebat,
Sapiebat infusa sapientiâ, non acquisitâ,
Et impeditis sensibus solo operabatur intellectu,
Supplente Deo officia sensuum, & imagines rerum.

VII.

Natiuitas Virginis.

Nihil pulchrius unquam sol vidit nascente Virgine;
Nihil extra se nobilius aspexit Deus;
Latantur longævi parentes, & ignorant quod sperant,
Quid si avos Dei se scirent, & Deum nepotem!
Quid faceret natura si futura sciret:
Naturæ natiuitas est hic ortus Mariæ,
Non satis dixi, est ortus gratiæ.

VIII.

Præsentatio in Templo.

TRiennis Virgo ingreditur Templum, Téplo major!
Et major est gloria domus secundæ, quàm primæ,
Quàm pij parentes, qui sua Deo vovent, & seipfos!
Quid facerent si futura præscirent?
Ingressæ sunt cum Maria omnes virtutes,
Et ingredi non debuit Regina sine aula.
Ne quare qualem vitam in Templo egerit,
Qualem decebat Matrem Dei futuram;
Et conceptura Deum corpore, jam concipiebat mentes,
Legebat

Legebat in Prophetis Matrem Dei futuram, & se ipsam,
Mirabatur alienum privilegium, & nesciebat suum.

IX.

Matrimonium Virginis.

VT partus Virginis mysterium esset
Desponsatur homini sponsa Dei,
Hic est Iosephus Mariæ maritus,
Inæqualis, si pater esse deberet,
Non inæqualis Verbi minister,
Nec inæqualem facit fortuna fabri,
Spes Davidis ad Fabrum & Virginem redactæ erant,
Nec tamen decreverant.

At ô novum matrimonij genus!
Iunxere hæc vincula non carnes, sed mentes,
Sic palmæ nubunt non radice, sed vertice.

X.

Annuntiatio.

Mittitur Angelus ad Virginē Angelis parē & majorē;
Salutat gratiā plenā, & implendam Deo,
Petit assensum, ut prius concipiat mente, quā carne.
Recusanti titulum Matris sine titulo Virginis,
Declarat concepturam non de alieno, sed de suo,
Obumbraturum Spiritum ut sponsum, non maritum;
Tum verò ancillam se vocat Mater Dei futura:
Fiat, inquit, mihi secundum verbum tuum.
Dixit, & verbo conceptum est Verbum:
Olim hæc vox fecerat mundū, nunc facit hominē Deum.

XI.

Visitatio.

NEc mora, pergit per asperamontiū Virgo Deo plena,
Impellente Deo, & matrem portante, dum portat,
Ingressa domū cognatæ induxit secū consanguineū Deū,
Salutant se invicem parvuli nondum nati,
Exultant captivi & liberi;
Et Joannes intra uterū penè exercet officiū Præcursoris;
Prophetant

Deipara Virginis Elogia.

65

Prophetant matres spiritu parvulorum,
Et Zacharias Propheta legis ultimus, & gratiæ primus,
Quem alij venturum prædixerant, annuntiat præsentem.

XII.

Ioannes Baptista.

Nemo hoc præcone taciturnior, nemo vocalior fuit
Vix conceptus loquelam abstulit patri, & reddidit,
Nondum homo hospite Deū excepit humanis nutibus,
Totis triginta annis tacuit, vt disceret loqui:
Post tantum silentium nihil nisi vox, & clamor fuit,
Nec linguâ tantum, sed omnibus membris præco,
Digito Agnū Dei ostendit, totū deinde dextera tetigit,
Trunco etiam capite vocalis Herodem terruit,
Denique occisus ad Limbos martyr, & præcursor ivit,
Vir omnino magnus, & solo Deo minor
Debet primam vitam Elizabethæ, & secundam Mariæ.

XIII.

Natiuitas Verbi.

Interea describebat orbē Augustus, vt vestigalē faceret,
Et numerabat homines Deus, vt omnes redimeret,
At heu quale discrimen Dei, & hominis!
Patent Vrbes omnes Augusto, & clauduntur Deo,
Caret loco, per quem factus est omnis locus,
Nascitur inter dedecora antri Dominus cœli:
Clamate immortales Angeli silente natura;
Et Verbum caro factum est quale miraculum!
Verbum Patris silet, quale mysterium!
Verbum matrem Virginem facit, quale prodigium!
Erant Ioseph, & Maria mirantes,
Puto, nisi miracula faceret, ipse miraretur Deus.

XIV.

Pastores.

Nunciatur pastoribus nativitas, & tacetur Regibus,
Scilicet agebant vigilias, & amat vigiles Deus,
Accurrunt, ingrediuntur, mirantur,
E Agnoscent

Agnoscent agnum ab origine mundi occisum;
 Docentur iterum pro mundi salute occidendum,
 Quid dixerint, puto neque ipsi narrare scirent,
 Silentium, & admiratio, vocis instar fuit,
 Donarunt tamen agnum agno & Matri ovem,
 Placuit simplicitas puero, & se deinceps appellavit pa-
 storem.

XV.

Reges.

Quam difficile latet Deus, qui ubique est;
 Apparet in antro, sub fœno, & sub nihilo;
 Agnoscunt tres Reges intra speluncam, Aulam,
 Inter fœnum & paleas, thronum, & in throno Deum;
 Advolvuntur ad pedes infantis, & se fatentur minores,
 Post adoratum Infantem, penè adorassent Virginem,
 Nisi fides docuisset Matrem Dei esse, non Deam,
 Denique per aliam viam reversi sunt in regionem suam,
 Venerant Reges ethnici & revertuntur Christiani,
 Primam viam ostendit stella, & fides secundam.

XVI.

Circumcisio.

Avidus redimendi homines homo Deus;
 Offert patrē sanguinis, & querit à Patre an sit satis;
 Negat Pater sufficere hoc pretium, quamvis infinitum,
 Admissum esse vadimonium eâ lege vt cautio moreretur,
 Placere tamen primitias sanguinis, quasi arrham pretij,
 Absolvendum negotium, cum totum pretium solveretur,
 O dura belli, & pacis rudimenta!
 O nomen Ies v pretiosum, quod tanto sanguine emitur!
 O quanti venditur mea salus!
 Elicuere sanguinem Iosephus & Mater,
 Et lachrymas miscuere.

XVII.

Purificatio.

Abstinet publico Virgo, quasi Mater impura,

Deipara Virginis Elogia.

67

Et nihil erat Mariâ purius , nisi solus Deus ,
Post quadragenos dies sistit infantē Deo, & erat Deus,
Redimit Mater filium , & Pater vendit,
Alieno pretio non egebat , qui emebatur suo,
Columba filius erat , & Mater turtur,
Amplectitur Simeon salutare Dei, & saluum se clamat ;
Adorat Infantem Anna , & penè parturit,
Interea fit supplicatio , & erat supplex Deus,
Nullus hanc supplicationem æquavit triumphus,
Pars supplicationis erat Christus , & spectator Deus.

XVIII.

Fuga in Ægyptum.

AT quale illud mysteriū monetur à Deo fugere Deus,
Et cogitur exul esse , cui patria est omnis locus,
Docere nos voluit exiliū esse , quidquid non est cœlum,
Et nos huius mundi hospites esse , non cives,
Nec tamen Ægyptus ignota Iosepho est,
Exul illic alter Iosephus , & penè Rex fuit,
Exularunt cum eo Iosephus alter , & IESVS,
Et nondū homo vterque , iam exul fuit.

XIX.

Duodennis in Templo.

DVodennis auditor in templo , & doctor;
Ea dixit de Deo, quæ Deum sapiebant, non puerum,
Et poterat ex doctrina agnosci esse Deus,
Nisi magistros malè puduisset esse discipulos;
Admirans mater absentiam filij , interrogat Causam ,
Obmutuit , cū filius de Patre æterno respondit ,
Nec mora, rediit ad fabriles operas doctor legis ,
Ne quære quid totis triginta annis egerit ,
Latuit & erat subditus illis,
Difficilis lectio tot annis doceri debuit.

XX.

Christus Faber.

EXercent artem lignariam Iosephus , & IESVS,
E 2 Ponit

Ponit tyrocinium Deus sub homine,
 Discit aliquid qui nihil ignorat,
 Docetur fingere rotas, qui finxit stellas;
 Aspicit laborantes Mater, & segmenta colligit;
 At heu dedolant arbores olim cruces futuras!
 Et mortis ac vitæ hæc officina est,
 Iosephe non attingeres arborem,
 Si scires mortem latere in arbore,
 Nec tu Mater fragmenta colligeres,
 Scit Christus, & mortis olim futuræ iam faber est.

XXI.

Vita Christi privata.

AT qualis hæc vita divina & ignota?
 Scilicet Amat latere Deus, & intra se esse,
 Ante orbem conditum Deus intra se vixit,
 Et sibi ipse mundus, & domus, & socius fuit,
 Id circo tres intra Deum personæ sunt ne solus sit Deus,
 Imitatus se ipsum ut Deum, homo Deus,
 Totis triginta annis apud matrem latuit,
 Nec tamen solus fuisse dicendus est, dum cum matre fuit,
 Nec solus esse potest, qui Deus & homo est,
 Scilicet socius erat homo Deo, & homini Deus.

XXII.

Valedicit Matri iturus ad vitam publicam.

HIs ferè verbis valedixit Matri Verbum Patris;
 Vocor ad vitam publicam, nec desero tamè privatā,
 Miscebo vtramque, & publicus ero, & occultus:
 Dedi annos triginta vitæ occultæ, tres dabo publicæ,
 Invisam te identidem, & tu identidem sequèris me,
 Pars eris laboris mei, & ego tui,
 Colligam discipulos, eorum tu quoque mater eris,
 Fiat inquit Virgo, amavit & fleuit.

XXIII.

XXIII.

Nuptia Canenses.

Nondū aderat miraculorū hora, nisi Maria adfuiſſet,
Evocavit miracula, quæ evocaverat Deum,
Deerat vinum convivis, & Deus ipſe conviva erat,
Deeſſe aliquid non debet, vbi adeſt Deipara,
Proponit filio defectum, nec repulſam paſſa deſperat,
Monet famulos exequi mandata fili; etiam ſubirati,
Nec mora pulchro miraculo aquæ vertuntur in vina,
Mirantur famuli hauriri vinum ex aqua,
Et clamant puteum mutatum eſſe in dolium,
Scilic. ignorāt matrē eſſe quæ rogat, & Deū qui imperat;
Qui nūc aquas vertit in vinū, mutabit vinū in ſeipſum,
Bibitur interea opiparē, & bibuntur miracula,
Nec mirum, ſi vinum eſt optimum, quod eſt miraculum.

XXIV.

Miracula vite publicæ.

Miraculo opus eſſet, vt numerari poſſent miracula,
Dum loquitur, aures ſurdis, dū aſpicit, oculos cæcis,
Dum tangit, pedes claudis reſtituit,
Paralyſis, hydrops, lepra,
Morbi erant dum permitteret, ſanitas cum iuberet,
Mors ipſa mirata eſt reddi ſibi vitam, vel invitæ,
Miratus Dæmon ipſe tot miracula
Credidit Deum eſſe, qui faceret, & Deo non credidit.

XXV.

Doctrina Chriſti.

At qualis illa doctrina, quā appellat ſuā & nō ſuam,
Mea doctrina, aiebat non eſt mea,
Si tua eſt, ô Chriſte, quomodo non tua,
Et ſi non tua, quomodo tua?
Quid eſt tam tuum, quam tu?
Et quid tam non tuum, quàm tu? ſi es alicuius quod es,
Tua non erat vt hominis, tua erat vt Dei,
Verba erant Verbi, & Verbum eſt Patris,

E 3

Sic

Sic tua doctrina erat & non tua,
Doctrina erat pronunciantis hominis, & Dei loquentis;
Humana vox erat, & verba divina.

XXVI.

Valedicit Matri iturus ad Crucem.

Nunc denique divellor à te mater, & penè divellor à me
Vocor ad mortem, & moriendū est Deo pro homine,
Promisi ab æterno hanc mortem, cum vadem me dedi;
Deest homini unde solvat, & cautioni solvendum est:
Hic erit ordo Passionis meæ & tuæ.
Instituam hodie convivium mei, & tu sæpè vesceris me;
Tradar ab uno ex meis, & amicum appellabo dum tradet.
Accusabor, flagellabor, damnabitur Deus ab homine:
Denique videbis me morientem, & mori voles.

XXVII.

Conspectus lugubris.

Ibat oneratus Cruce ad Crucem Deus,
Ferebat Victima lignum, in quo erat moritura,
Succubuit medio in itinere sub onere arboris,
Heu quale pondus, quo opprimitur ipse Deus!
Vidit cadentem filium mater, & à filio visa est,
Obstupuit, expavit, defecit,
Sustinuit deficientem filius, dum ipse deficit,
Hodieque ostenditur peregrinis deliqui locus.

XXVIII.

Maria iuxta Crucem.

Stabat iuxta Crucem Maria altior Cruce,
Filius patibulum matri, mater filio patibulum erat;
Cruce erat opposita Cruci,
Duplex & una arbor, gemina, & una Victima:
Ne quære quid passa sit filio patiente,
Graviores perpessa est quam omnes Martyres,
Sæpius moritura, nisi filius miracula fecisset ut Mater
viveret,
qui contra se miracula fecit, ut mori posset,
Denique aspexit morientem, & mori voluit,

Deipara Virginis Elogia

71

Excepit vlnis refixum è cruce filium,
Et quæ viyum genuerat , penè enixa est mortuum,

XXIX.

Maria in triduo mortis.

Maria hoc triduo penè exanimis fuit,
Scilicet secutus erat animum filij animus matris,
Vterque ad Limbos ivit , vterque ad corpus rediit,
Nec dubito , quin accelerarit reditum filij,
Quæ acceleraverat adventum Verbi,

XXX.

Resurrectio filij , & apparitio Matri.

Revixit post triduum filius , & cum filio mater ,
Huic primæ apparuit , quæ prima meruerat,
Et dum ostendit gloriam suam , penè effecit gloriosam,
Quid dixerint rediviui , meditari licet , non effari,
Non est famuli explicare lætities Dominorum,
Tanta gaudia nec mater toleraret sine miraculo,
Nec filius ferret , nisi Deus esset ,
Verbo vno dico , revixit dum redivivum filium vidit,
Adoravit , amavit , & penè iterum mater fuit,

XXXI.

Ascensus in Cælum valedicit Matri.

Redco ad cælum, Mater, vnde ad te veni, [Patrem,
Evocabo te brevi, vt illic matrem habeam, vbi habeo
Interea tu Ecclesiæ meæ Mater esto ,
Volo Petrum Vicarium meum esse , & penè tuum,
Nec desero Ecclesiam, cui Spiritum sanctum substituo,
Mittam illum brevi , ille procedit de meo,
Paracletus erit cæteris , & sponsus tibi,
Fiat, inquit Virgo, & quæ c cælo evocaverat Verbum,
Verbum emisit ad cælum. XXXII.

Pentecostes.

Iterum descēdit in cor Virginis Spiritus, qui olim des-
Replevit totā domū, & penè mutavit in cœlū, [cēderat
F. 4 Cæteri

Deiparæ Virginis Elogia.

Cæteri particulas ignis , Maria totam flammam excepit ,
 Ibi inhabitavit Spiritus , vbi Verbum habitârat ,
 Et potuit esse filius , nisi sponsus esse maluisset ,
 Amavit tamé Virginem vt hospité , & penè vt Matrem.

XXXIII.

Sequitur Ioannem in Asiam.

ADmiserat Virgo Ioannem in filiū , & ille in Matrē ,
 Substituérat eū sibi Christus , & Virgo amabatur à
 Virgine ,

Secuta est euntem in Asiam , vt Asiam consecraret ,
 Et dum Ioannes Ecclesias regeret , Ioannem rexit ,
 Nectulit præsentiam Mariæ Diana Ephesi na ,
 Evanuit ad omnipotentiam Deiparæ Dea fabulosa ,
 Vt scias Ephesum Deiparæ placuisse ,
 Apud illā defensa est virginitas matris , & maternitas Dei.

XXXIV.

Moritur vi Amoris.

AVida erat cœli Maria , & Mariæ cœlum avidū erat ,
 Rediit Ierusalem illic moritura , vbi filium viderat
 morientem ,

Evocati ex variis orbis plagis discipuli , vel adducti ,
 Eā celeritate venerunt , quā eunt Angeli ,
 Vident deficientem matrem , & penè ipsi deficiunt .
 Excessus amoris erat , non febris ,
 Nec mori nisi amore debuit , quæ amore vivebat .
 Improbe amor quid petis ampliùs ?
 Occidisti filium , & matri non parcis .

XXXV.

Incorrupta in tumulo.

SEntire pœnam originalis non debuit , quæ non ad-
 miserat culpam .

Nec filius pati corruptionem potuit , nec mater debuit ,
 Opprobrium esset vnius , probrum alterius ,
 Quid verbis cum ea carne , quam consecravit Deus !
 Penè mutata est in spiritum , dum corporavit Verbum ,
 Mortem tamen subiit , sed vt alienam pœnam , non suam ,
 Denique vi amoris obiit , non febris , aut mortis ,

Deipara Virginis Elogia.
At ignis illustrat, quod vrit, dum absumit.

73

XXXVI.

Assumptio Virginis.

AT qualis ille currus, cuius aurigæ sunt immortales
spiritus!
Qualis illa, quæ ascendit, & cui Deus fit obuius!
Hæc est Regina naturæ & penè gratiæ,
Tali pompa excipienda erat, quæ Deum exceperat,
Assurge anime, dic aliquid sublimius,
Ante adventum Mariæ regnabant in cælo tres personæ;
Nec regnabant tres reges,
Alterum thronum addidit homo Deus,
Adventante Mariâ tertius thronus est additus,
Et nunc triplex in cælo regnum est, vbi erat vnicum;
Sedet proxima Deo Mater Dei,
Agnoscent se subditos huic throno Angelici;
Et Mariâ inferius est quidquid non est Deus.

XXXVII.

Gratia, Gloria, & Cultus Virginis.

QVanta sit Mariæ gloria solus ille novit, qui contulit,
Sciebat Virgo artem fœnerandi cum Deo,
Et pulchro fœnore augebat merita meritis, & gratias
gratiis,
Quæ primo vitæ momento plus habuit, quàm singuli cæ-
lites,
Credi potest extremo articulo plus habuisse, quàm omnes,
Nec dubium est, quin plus habeat gloriæ, quæ plus
habet gratiæ,
Atque hæc est mensura hyperdulciæ, excessus gloriæ.

XXXVIII.

Potestas Virginis.

QUæris quid possit in cælo? est omnipotens;
Præfecit illam Deus thesauris, & beneficiis suis;
Qui seipsum dedit per Mariam,
Omnia vult nos habere per Mariam:
Nec liberatior eligi poterat dispensatrix, nec efficacior,

Cæteri cœlites rogâdo impetrât ; Maria penè imperâdo,
Subditus olim illi Deus nunc etiam parêret si illa præci-
peret ,

Nec tamen imperio opus est erga volentem ,
id quoque Deus matri subdidit ,
Ne aliud à matre velit.

XXXIX.

Patrocinium Virginis.

ELige qualem velis Mariam , vult à te eligi ,
Advocata est si times , mediatrix si non audes ,
Azylum est miseris , Altare reis ærarium egenis ,
Orantibus donat , ingratis ingerit , invitis obtrudit ,
Neminem relictura miserum , nisi esse velit ,
Imo neque omnes patitur esse miseros , qui esse volunt ,
Nemo queri de illa potest , etiam impius ,
Patet omnibus , etiam dum non patet Deus .
Post amissum Deum adhuc superest Mater Dei ,
Et post naufragium adhuc se offert tabula navis ,
Abiecisti illam , peristi ,
Apprehendisti illam , evasisti .

XL.

Elogium Deiparæ Virginis.

PRoxima est Deo Mater Dei ,
Accedit ad fines divinitatis , & penè tangit ,
Nihil inter Deum , & Mariam interiacet ,
Solut supra Mariam Deus est ,
Et minus Maria est quidquid non est Deus .
Scilicet talem esse oportuit Matrem Dei ,
Similis Deo esse debuit , quæ fecit Deum similem sibi ,
Nec similis tantum est , sed penè æqualis , ait Bernardus ,
Penè æqualem fecit Deus , ut faceret Matrem .
Affinis Deo est , & consanguinea , ait Nyssenius ,
Sanguis Virginis est sanguis filij ,
Idem est ipse , quod illa , ait Augustinus ,
Idem illa , quod ipse , ait Albertus .
O fœminam infinitæ dignitatis !

Ne

Deipara Virginis Elogia.

75

Ne quare qualis, & quanta sit,
Qualem, & quantam Deus facere potuit;
Maiorem mundum facere potest, maius cœlum;
Ne maiorem matrem facere posset, fecit infinitam.
Audi aliquid sublimius.

Hæc propositio vera est, ait Bernardinus,
Imperio Virginis omnia famulantur, ipse etiam Deus;
Scilicet subditus olim matri filius,
Nunc etiam pareret si illa præciperet,
Et penè observat Matris nutus, ne illa præcipiat.

Placet ulterius in laudes ire:
Exhauserant Deitatem tres divinæ persona,
Exhauserat Pater quidquid dici potest, dum Filium dicit;
Exhauserant amorem Pater, & Filius dum se amant,
Sterilis mansit spiratus amor post exhaustum Deum,
Cum nihil intra Deum addi posset à Deo,
Electa est Maria, in qua tres personæ explorarent,
Quid foris extra se possent.

Sic complementum Trinitatis Virgo est, ait Hesychius;
Per illam Pater iterum Pater,
Per illam Filius iterum Filius,
Et dum illam implet donis suis Spiritus sanctus;
Intra Deum sterilis, penè in illa fœcundus fuit.

Quæ talis est erga Deum, audi qualis sit erga te;
Advocata est, si velis; mater etiam si renuis;
Ærarium est egenis, azylum miseris,
Altare peccatis, portus naufragis,
Patet omnibus, etiam dum non patet Deus,
Et post amissum Deum, adhuc superest Mater Dei.

*SOLITARIJ ANIMI
Soliloquium.*

Hic solus mecum vivo, mundoque carere
Incipio, & rebus præsens assuesco futuris,
Ne rudis æternam aggrediar post tempora vitam;
Et cœlo novus hospes eam. Quàm vivere secum,
Quàm dulce est socium esse sui! mundoque silere,


Et


Et soli narrare sibi : tria tempora mecum
 Enumero , lapsosque annos , annosque futuros ,
 Et si quid medium esse potest , quid inanius annis
 Præteritis ? periëre sibi , nihilóque creati
 Ad patrium rediëre nihil : præsentia fallunt
 Momenta , & dum stare puto , pars altera fluxit ,
 Pars fluit , & firmum nihil est , nisi mobile punctum ;
 Hoc quoque dum præfenscerno , iam ex parte perivit,
 Et partes iam punctus habet , nec firmior ætas
 Crastina , dum nondum est , nihil est , dum venerit hora ,
 Hora fluet , fietque nihil dum fluxerit hora ,
 Iacturæ causa ipsa suæ ; nec tempora sola
 Intereunt moritur communi funere mundus ,
 Et mortis tempus causa est , rapit omnia secum ,
 Dum rapitur , periit qui quondam vixerat orbis ,
 Nunc alius vivit , succedent orbibus orbis ,
 Fatáque succedent fatis , edet omnia tempus ,
 Et tandem se tempus edet.

Ergo age fallamus morientis funera mundi ,
 Hic ego pendentes annos , & tempora fallo ,
 Æternos prægusto dies , momentaque nunquam
 Lapsura , & quondam æternus post fata futurus
 Incipio æternus fieri , mediulque supersum
 Intra horas , extraque annos , hïc incola mundi ,
 Et mundum supra vivo , & sublimia lustrans
 Huc eo cælestis , quò nos invitat origo ,
 Et patrias inquiero domos , hic corpore sensiar
 Excedo , & morti vivus præludo futuræ ,
 Et sine morte mori incipio , sic fata sororum ,
 Hostilesque manus , & fila nocentia fallo ,
 Et fati parca ipse mei noua stamina volvo.

Hïc assuesco Deo , vocemque audire loquentis ,
 Et tolerare Deum disco ; secedite curæ ,
 Hïc alternas licet audire , & reddere voces ,
 Atque hominem miscere Deo , ô commercia cœli
 Humano maiora animo ! quis mutua verba ,
 Quis teneros sensus , pitrosque enarret amores ?
 Lingua file , debent divina arcana taceri ,
 Arcanus vult esse Deus.

FINIS





00564408

